



ЧЛЧ

№ 35
(2345)

17 СЕНТЯБРЬ 2026 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкьсар 1917 ш.
Цунил итабакълан бивкьсар 1991ш.

Дагъусттаннал Халкъуннал цашиврул къини



Зунттал арсру. Надир-шагъ ххит уккан увсса талатаву хъун хъхъичІ. 1741 ш.



Ванияр 285 шинал хъхъичІ ТтурчІайнна-Зунттуй цачІунхъу къюкърал ххит буккан бувссар дунияллийх цІа дурксса Надир-шагънал аьрал

ХІурмат лавайсса дагъусттанлувтал!

Барча дуллай ура зухъ Дагъусттаннал Халкъуннал цашиврул къини!

АцІния ххюра шинал хъхъичІ сакин дурсса ва байрандалул иширайну чІалачІи дуллай дур чІявусса ттуршукурдай яхъусса дусшиврул ва хъинчІаххувшиврул, куннал кув чІарав бацІаврил ва уссушиврул традицияртту. Ванил жува зана буллай буру 1740-ку шиннар-дил тарихрал иширттачІан. Та чІумал, аьмсса нигъачІаву ялун дирукун, зунттал халкъ цачІун шайсса бивкьсар жула аьрши дуруччиншиврул.

Яла аьркинсса чІумал цачІун

хъун кІулну бикІаву, лагма лавгун, дурксса къинигу лахъан – мукунсса дур жула чІявумиллатру бусса халкъуннал хасият. Расул ХІамзатовлул увкуну бур: «Цумур мазрай жува гъалгъа тІурчангу, цукунсса балайрду жува тІурчангу, цуксса жула пикри-зикрирду кунницІун кув къабакъларчангу, жува цачІун буллалиссару ца иширал – Дагъусттан ххирашиврул».

Жува цачІуру. Муни-яту циняв жула планну бартлагантІиссар.

Барча байран, аьзизсса дагъусттанлувтал!

Ф.В. ЩУКИН

МахІачкъалаллал Хъун майданнивсса байран



Валентина Матвиенко бувкІунни Дагъусттаннайн

Сентябрьданул 15-нний АьФ-лул Федерациялул Советрал председатель Валентина Матвиенко къуллугърал аьрххилий бувкІунни Дагъусттаннайн.

Дагъусттаннал бакІчинал буржру чІумуйну биттур булла-лисса Федор Шукинушал цачІу ва лавгунни МахІачкъалаливсса АьФ-лул Обороналул министерствалул Хьхьирил аьралуннал госпитальданийн.

Ттизаманнул медициналул идара бувну бур Каспий хьхьирил зуманив. Ванил лавайсса даражалул медициналул кумаг булла-й бур аьралитуран ва миннал кулпатирттан.

Валентина Матвиенко личІину хьунабавкъунни Федор Шукинушал. Ялуvmур палаталул спикернал тІимуйнну, Федор Вячеславович бакІчинал КІанайманал къуллугърай ита-ву хьуссар республикалул къабигъасса чІумал, инфраструктура-лунгу, социал объектирттангу, инсантурал къатрангу тамансса зараллу хьусса тагъарданул чІумал.



«Ина чялишну хІала увхунна давурттаву. Вил каялувшиврийну команда зий дур инфраструктура ва социал объекту дузал бавриха. КІира зунттал шяраву зий байбивхьунни КІива цІусса школа, ина инсантуран кумаг буллау ура къатри цІу дуккан дуван ва къатри леркъсса КІанттурдайсса инсантал

тІювардал сертификатирттал дузал буван», – увкунни ванил.

ФС-рал председательнал пикрилий, ДР-лул Верховный Судрал каялувчинал опытрайну Федор Шукинуша бюхълай бур циняв масъалартту лябуку буну шаллу булан.

Республикалул бакІчинал КІанайма мудана хьунаакълай

ур республикалул ялапарлувтурашал, хІала-гьурттуну зий ур влаьстрал федерал органнашал.

«Министерстварттан ва ведомстварттан бувчІлай бур республикалий тамансса захІматсса масъалартту салкъи хьуну бушиву, ми дузал бувангу бюхъан тІий бушиву так федерал центрданул кумаграйну. Федерациялул

Совет хІадурссар мудангу кумаг булан зул давурттуцІун», – увкунни Валентина Матвиенкол.

Федор Шукинул барчаллагъ увкунни республикалул даинсса къулагъас дуллававрихлу.

«Жун кІулли зу жул агъамсса сиптардацІун кабакъу байшиву. Жула цІанасса ихтилатту хъанай бур Дагъусттаннал миллатирттал Цашиврул къини – ва байрандалул даКІинин бичлачиссар жува циняв цачІун буллалисса ххазинартту», – увкунни региондалул каялувчинал.

Ванал цала хьхьичІсса масъаларттая буслай, КІицІ лавгунни региондалул циняв программартту бартидигълай бушиву, амма миккугу аьркинну бур анавар буккан ва луртанну лякъин.

Федор Шукинул гьартану бувсунни республикалийсса жагьилтурал политикалия, дуккавил ва жагьилсса пишакартал давурттал дузал баврил масъаларттая.

**ХІадур бувссар
ХІ. АЬДИЛОВЛУЛ**

Лайкъсса даражалий КІицІ ларгунни республикалий Дагъусттаннал Халкъуннал цашиврул къинилун ва Аьрасатнал Халкъуннал цашиврул шинан хас дурсса байран.

Шанма гьантлул дянив инсан уккансса КІану бакъая МахІачкъалалал Хьун майданнив ва Родоп бульварданийн.

Хьун майданнив най дия «Вместе ради единства» тІисса культуралул марафон. Родопский бульварданий най дия – дунияллул халкъуннал дянивсса фестиваль «Хранители традиций».

БувкІун бия шалагу Аьрасатнавасса ва дазул къатІугъсса хъамал.

Сентябрьданул 15-нний, Дагъусттаннал Халкъуннал цашиврул къини ахттая махъ тІурча, Хьун майданнив дия яла агъаммур байран – Аьрасатнал язи-язими коллективирттал гьунарду ца сахІналийн бавтІисса хьинну яргсса концерт. Цилгу цачІун бунни ватан, мунил тарих ва магьирлугъ ххирасса личІиличІисса оьрмурдал ва миллатирттал агьлу.

Байрандалий гьуртту хьун бувкІун бия Москвалиясса, Татарстаннаясса, Хакассиянавасса, Къалмукънавасса, Донбассраясса хъамал.

Шадлугъ тІитІлай, Аьрасатнал Федерациялул Советрал хьунмур Валентина Матвиенкол КІицІ лавгунни Дагъусттан – му бушиву

цила авадансса тарих, магьирлугъ, аьдату ва чумартсса агьлу бусса билаят. Шича бувккун бушиву шалагу Аьрасатнавух ва дунияллийх цІа ларгсса композиторнал, шаэртал, художникнал, артистътал ва спортсментал. Машгьурну душиву шикку лярхъусса ляличІисса ва аслийсса канил касмурдугу.

Ттуршукурдай цІакъ хьусса цашиву



«Дагъусттан – хъанакъиссар цивилизациярттал ва культурарттал ляличІисса шанбачІуну, чумартсса ва аькъилсса инсантурал минану.

Республикалул агъалинал цимигу ттуршукурдал дянив, руцан къадиртун, дунияллул эбратранну дуррччуну дур миллатирттал дянивсса дусшиву, нахІухІалимшиву ва цашиву. Шикку хІурматрай дуручлай бур язи-язими аьдату», – увкун-

ни Валентина Матвиенкол.

Хаснура чІурчІав дурунни республикалул агъалинал хьунмасса захІмат бихълай бушиврий Аьрасат буруччаврил ва цІакъ баврил ххулий. ДаКІинин бувтунни Буттал КІанттул цІанийсса Хьунмасса дьэвилий, 1999 шинал республикалийн чапхунчитал ххавхсса чІумалссагу ва хІакъину хасъсса аьралий операциялий дагъусттанлувтурал дуллалисса чувшиву.

Республикалул бакІчи (врио) Фёдор Шукинул КІицІ лавгунни Дагъусттаннал халкъуннал цашиврул гьану цІакъ буллау бушиву жува куннал кув бувгьуну, цаннал ца бурувччуну, буттал аьрши ххирану ялапар хъанай бушиврул.

«Дагъусттан – чІяву миллатирттал рангирдай шавшсса халичар. Гьарца миллатрал бур цила маз, магьирлугъ ва аьдату. Амма циняв цачІун бувну бур аьмсса тарихрал ва къадар-

данул, – увкунни ванал.

– Гьашину Дагъусттаннал Халкъуннал цашиврул байрандалул гуж ххишала хъанакъиссар, 2026 шин, билатрал бакІчинал хІукмулийн бувну, Аьрасатнал Халкъуннал цашиврул шинну баян бувну буну тІий.

Дагъусттаннал агъалинал республикалул ва Аьрасатнал цашиву цанния ца батІул дан къашайссар. Жунма КІулссар цачІушиврул къимат. ХІакъину жула ватанлултал буссар хасъсса аьралий операциялий ватандалул мурадру буручлай. Азаллийсса инсантал буссар аьралитуран кумаг буллау, талати-миннал кулпатирттал чІарав бацІлай. Мугу – цашивур, аьлтта чІалачІисса ва иширайнуса.

Цал ттигу барча тІий ура на зухъ байран! ДацІаннав буттал буттахъал дуруччусса цашиву дакъаврил ва аслахІшиврул цІакъсса гьануну. Цашиву дуруччирча, Дагъусттан буруччавришал дуручлачиссару жула гьарцаннан аьмсса ватан – шала Аьрасат!».

Концертрай гьуртту хьунни цІанихсса къавтІаврил ансамбльлу: А. Александровлул цІанийсса Аьрасатнал аьралуннал ансамбль,

Н. Надеждиал цІанийсса академический ансамбль «Березка», академический ансамбль «Донбасс», Къалмукънал паччахІлугърал академический ансамбль «Тюльпан», Татарстаннал ва Хакассиянал ансамбльлу ва жула «Лезгинка», аьралий оркестр, Дагъусттаннал гьарца миллатрал халкъуннал артистътал.

Зулайхат ТАХАКЪАЕВА

Лакрал райондалия

Итталу дия лакралмур хІаятгу



Дагъусттаннал Халкъуннал цашиврул кьинилун ва Аьрасатнал Халкъуннал цашиврул шинан хасну МахІачкьалалив хъунмасса даражалий хъунни «Хранители традиций» тІисса Дунияллул халкъуннал дянивса фестиваль.

Ванийн бувкІун бия, так ца Дагъусттанная бакъассагу, щалагу Аьрасатнавасса ва, жушчал ва бавкъуну, дусшиврий ялапар хъанахъисса билаятирттаясса хъамал-сянаткартал. ХъхирицІ Родоп бульварданий, хъунмасса чятиргу бившуну, гьарца къулайсса шартІругу дузал дурну, тІиртІуну дия канил сянатирттал ярмарка. Сакин бувну бия

мастер-классу. КъатІув паркраву дирхъуну дия Дагъусттаннал районнал ва шагьрурдал хІаятру – гьарца миллатрал аслийсса сянат ва лаххия ккаккан дуллалисса, ссупрарду тІивтІусса.

Итталу дия Лакрал райондалул хІаятгу. Шикку дирхъуну дия ШавкІуллал усру, мусих шаршсса затру. Ссупралий дия дукърахІан, хъхъахъхъари, кІарттул ччатІ, зунттал нис, аьрайн-гъавккури, бакъухъ, чутурду ва цаймигу миллатрал дукрарду. Магьирлугърал зузалтрал яргсса номердал шиккун кІункІу буллаи бия чІявусса хъамал. ЧІарах къабувккунни Дагъусттаннал цалчинма вице-

премьер Муслим Телякавов ва туризмалул ва халкъуннал художествалул сянатирттал министр Эмин Мердановгу. Райондалул бакІчинал хъириччу Эльмира МахІаммадовал бувсунни бусравсса хъамаллуряхъ лакрал аслийсса сянатирттая.

Тиннай Яруссаннал театрдалул хъхъичІ шаннагу кьини най дия Дагъусттаннал районнаясса ва Аьрасатнал цайми регионнаясса фольклорданул коллективирдал концерт. Ваний гьуртту хъунни ЦІуссалакрал ва Лакрал районнал творческий коллективрдугу.

Зулайхат ТАХАКЪАЕВА

ЦІуссалакрал райондалия

Тамашачитал хІайран бунни



Дагъусттаннай лахъа-хъусса даражалий кІицІ ларгунни Аьрасатнал Миллатирттал мазурдил кьини. Аьрасатнал Президент Владимир Путин-нул хІукмулийн бувну, гъашину цалчин кІицІ лаглагисса байран тІайла дарицІунни сентябрьданул 8-нийн, Дагъусттаннал халкъуннал шаэр Расул ХІамзатов увсса кьинилийн.

Аьсурдал мутталий дусшиврий ва аслахІшиврий чІяву миллатру ялапар хъанахъисса Дагъ-

усттаннал аьршарай ва хъуннасса агъамшиву дусса кьини хъунни.

Ва кьинилун хас дурсса шадлугъру хъунни шалагу республикалий. Дагъусттаннал миллатирттал дусшиву дуруччаву мурадрайсса «Моя семья – Россия» тІисса цІанилусса форум-фестиваль хъунни МахІачкьалалив. Шикку гьуртту хъунни республикалул шагьрурдаясса ва районнаясса творчествалул коллективрду. Фе-

стивальданий «Родники традиций» тІисса программалул ларгулий, гьурттуцитурал ккаккан дунни Дагъусттаннал миллатирттал культура, аьдатру ва багъу-бизу.

Муданма кунма, лавайсса даражалийсса творчествалул программа хІадур дурну, тамашачитал хІайран бунни ЦІуссалакрал райондалиясса «Дараччи» тІисса халкъуннал фольклорданул ва вокалданул ансамбльданул.

Имара САИДОВА



Ккуллал райондалия

Дуруччин цашиву ва аслахІшиву

Сентябрьданул 15-нийн Ккуллал райондалул Культуралул къатраву лахъа-хъунсса даражалий кІицІ ларгунни Дагъусттаннал Халкъуннал цашиврул кьинилун хас дурсса мероприятие.

Шадлугърал мажлестІитІлай, ихтилат бунни Ккуллал райондалул бакІчинал хъириччу Анатолий Давидовлул.

– ХІакъуну жува кІицІ лаглай буру Дагъусттаннал Халкъуннал цашиврул кьини. Ва хъанай дур миллатирттал дянивсса дусшиврул, куннал кув бугъаврил барашина. Байрандалул дур тарихийсса мяъна, Аьрасатнал паччахІлугъ, билаятрал гуж ва сий, инсантурал цашиву ва Ватан ххирашиву цІакъ шаврил цІаний халкъ цачІун буллалисса. Жулва мураднугу хъун аьркинссар ва цашиву никирая никирайн дуруччаву, – увкунни ванал.

Жяматрахъ байран барча дуллалисса ихтилат бунни Ккуллал райондалул бакІчи Ажуб ХІусмановлул.

– Жува пахрулий бикІан аьр-

кинссару зунттал шархъава бувксса, дунияллийх машгъур хъусса аьлимтурая, шаэртурая, композитортурая, пагъламантурая, цІанихсса устартурая ва хъхъичІун ливчусса жула ватанлутурая. ЖучІава мудангу кьиматрай бивкІссар ва буссар шяраваллил хозяйствалуха зузисса инсантал. ЦІанагу, хъхъичІавагу Дагъусттаннал халкъуннал циняв кулпатирттаву миллатирттал цашиву ва аслахІшиву цІакъну дуруччай бивкІссар. Миллат личІи къабувну, куннашал кув бавкъуну ялапар хъанай, оьрму бутлай бивкІссар. Жула хъхъичІ бивхъусса буржну хъанахъиссар жагьилсса ник Ватан ххирану, Дагъусттаннал халкъуннал аслийсса аьдатирттал, культуралул къадру буну тарбия даву, миллатирттал дянивсса дакъаву ва уссушиврийсса дусшиву дуруччин лахъхъин баву, – увкунни ванал.

Райондалул Магьирлугърал къатлул зузалтрал ккаккан дунни миллатирттал цашиврун ва дусшиврун хас дурсса концерт.

Имара САИДОВА

Каспий хъхъирил зума-къирагъирттал инвентаризация

Республикалул бакІчи Федор Шукиннул тапшурлугърайн бувну ДР-лул Хъус-хъиншиврул министерствалул Каспий хъхъирил зумардацІухсса объектирдал инвентаризация дувантІий бур. Акция дуллаи бур МахІарамкантулал райондалия Къизлардал райондалийн дияннинисса лахъишиврий.

ЦІанасса ппурттуву архиврду салкъи бувну бур, пишакартурал хал бигълай бур къатри ва миннул ихтиярдал документру, кадастрданийн лавсун бурив ягу бакъарив, градостроительствалул пландалуцІун бакъуну бурив ягу бакъарив. Къа-

рабудахкантулал райондалий капиталну дурсса къатрал ва миннул статусрал хъириччу лавну бур. Миучетрайн лавсун махъ дузал дантІий бур Каспий хъхъирил зумардайсса къатрал «юридическая схема», гьарца объектрал анализгу дурну. Яламу документ ккаккан бантІий бур республикалул каялувчинан.

Ххал бигъаврил хъунмур мурадну хъанай бур ми циняв объектру цачІун буван закондалийсса экономикалул иширттацІун, миннуя кумаг хъананшиврул региондалул экономикалул лябуккулун ва республикалул бюджетравун налогру гьарза шаврин.

ХІадур бувссар ХІ. АБДИЛОВЛУЛ

Ва ххуллукхсса «Илчилул» зузалтрал аьрххи Ккуллал райондалийнсса бия. Жу гьуртту хьуру Аьрасатнал Виричунал нину Сапигат Мазаевал ва отставкалийсса полковник Артур Амуттиновлул райондалул жяматрашалсса хьунабакъаврий.

Мероприятие дачин дурну ия Ккуллал райондалул хьунама Ажуб Хусманов. Шикку гьуртту хьунни райондалул идарарттал каялувчитал, шьараваллал вакилтал.

Килсса куццуй, хлакьинусса кьини райондалий шаллу бан багьлагьисса масъалартту гьарзасса бур. Ми так ца райондалул хьуниминнал кашийну шаллу бан шайссагу бакъар, аьркинну бур чIарав бацIулт, кумаг бувулт. Мунияту жяматрал вайннайнсса хьулумудругу хьунисса бия, Сапигат Исяевнагу, Артур Михайловичгу жяматрал иширттаву хьурттуссса, миллатрайгу, райондалийгу дакI цIуцIисса хлакьсса патриотътал бушиву кIулну.

Райондалул хьунаманал бувсунни бусравсса хьамаллурая.

– Хлакьину жушала хьунабакьин бувкIсса жула райондалул вакилтал зун укунмагу Килсса инсантал бур. Вай мундангу жула райондалул иширттаву хIалану буссар. Сапигат, райондалий бакъассагу, шалагу билаятрай Килсса ин-

Райондалул лайкьсса вакилтал



ну лахъан хIарачат буллай бур Сапигат, – увкунни Ажуб Хусмановлул.

Хьирив махъ лавхъунни Сапигат Мазаевалгу. Ванил кIицI лавгунни, райондалул жяматрашал хьунабакъаврия

школалул учительтурахъ. Вайнал лахъхьин бувмур ттун оьрмулу мулан бучIи ляхълай бур, – увкунни Сапигатлул.

Хьирив ихтилат бунни райондалул жяматран ххуйну Килсса, тамансса шиннар-

шиврул органнаву жаваблукьсса кьуллугьирттай зий. Миннува перестройкалул чIумалсса, яла захIматми арулла шинай, зий ивкIун ур Гьумук. Махъсса ххюра шинал лажиндарай каялувшиву дуллай ивкIун ур Республикалул Ростехнадзорданул управлениялий. Лайкь хьуну ур паччахIлугьрал ва ведомствалул наградарттан. Миннувах дур Аьрасатнал ХIукуматрал председатель Михаил Мишустиннул чулухассагу.

– ЦIана райондалул бакIчиналгу, жяматралгу кIицI лавгунни хьхьичI ххуттайн лавьсса масъалартту. На тачIавгу вай масъаларттая арх увцун ивкIсса инсан акъара. Гьашину тIабиатрал биян бувсса зараллу сававну хьиннува ххишала хьунни шинал, ххулурдал, ттукIрал, связьрал масъалартту.

Хлакьину Ккуллал райондалий каялувшиву дуллай ур зун гьирагу-шавкъу дусса, жяматрай дакI цIуцIисса жагьилсса бакIчи. Амма ца каялувчинаша цувалу зий вай масъалартту дузрайн буккан бан кьабюхъантIиссар. ХьхьичIми



сан бур. Ва каялувшиву дуллай бур цIуну тIивтIусса шагьрулул ца яла хьунмамур школалий. КутIасса чIумул мутталий ваниша бювхъунни, ххалилсса коллективгу лагма лаган бувну, школалул даву нizamрайн рутан. Му бакъассагу, ва дачин дурну бур хьуннасса жяматийсса давугу, цуппа кунма дард ккарксса ниттихъал масъалартту шаллу бан кумаг буллай, хьунабакъалай бур аьралитурасал. Цила мажал бакъашиврух кьабурвугун, чIун ляркьунни ванил райондалийн бувкIун, жяматрашал хьунабакьинсса. Цила захIматсса кьювугу дурхIуну, цийхра дурксса кьини лайкь-

ххарину бушиву, бувсунни цила оьрмулул ва захIматрал ххуллия.

– На дакIнийхтуну барчалагьрай бикIара оьрчIал тарбиялул ялув кьанкьану бавцIусса ттула нитти-буттайн. Пишалул ххуллийсса насихIатчину хьуссар ттун ппу. Ванал маслихIатрайн бувну на учительнал пишагу язи бувгьусса. Зун бивкIун махъ бувчIунни нава тIайласса ххуллу бувгьушиву. Багъу-бизулул, мярипатрал чулуха ттун эбратну хьуссар яхIирай оьрму бувтусса ттулла нину. Хлакьину сандирну дунура дакIнийхтунусса барчаллагь учин ччай бур Къяннал ва Ккуллал 2-мур

дий мюхчаншиврул органнаву зий ивкIсса, аьралий пенсионер, отставкалийсса полковник, СунбатIуллал шьравасса Михаиллул арс Артур Амуттиновлул.

Уссурвал Артур ва Амучи (аьпа биву) Амуттиновхьул лакран ххуйну Килссар ихIсандалул давурттайну, чумартсса тIуллаину. Артур Амуттинов, СунбатIуллал школагу кьуртал бувну, дуклан увххуну ур Ленинградрайсса Хьхьирил академиялувун. Мунияр махъ цаппара шиннардий зий ивкIун ур Хьхьирил портрай. Оьрмулул чIаруми шиннував, (30-нния лирчусса) ванал ларгун дур мюхчан-



Сапигат Мазаева Альбина Гаммакуевацал



Артур Амуттинов, Сапигат Мазаева, Ажуб Хусманов



→ каялувчитурая ххуймургу лавсун, цаламур бюхъу-базаргу ишла буну, жяматгу чIарав бавцIуну, меценатталгу лагма лаган буну, ца команда дурну зурчан, жушара хьунтIиссар район цIу дуккан дан, ванил даража гъаз бан. Навагу хIадурссара ттула кашигу, кудратгу райондалул жяматран мюнпатну ишла дулай, ва командалува зун. ЧIа тIий ура цIанасса каялувчинан тIайлабацIу, гъарица дулалимур бартидигинсса кашикудрат, – увкунни Артур Амуттиновлул.

Ва кьинисса хьунабакъаврий кьиматрай кьамул унни Вихьуллал школалул директор, «Доблесть гор» программалул цалчинсса выпускниктуравасса Оьма Чаринов. Шиккува бусан, ва программалува гьуртту хьусса азаллийхъайсса инсантурава язи увгъусса 35-нававасса ца ур жула Оьма Чариновгу.

Ванал бачаллагъ увкунни Сапижат Мазаевахъ чIярусса шиннардий буллахъ лавгсса Вихьуллал школа кьуртал бан кабахъу буну тIий.

– Аьрасатнал «Время Героев» тIисса программалул аналогну хьусса «Доблесть гор» тIисса республикалул программалува гьуртту хъанахъисса чIумала кIул хьуссия ттун Сапижат Исаевна лавайсса даражалул каялувчигу, опыт бусса учительгу бушиву. Ванил мундангу мяъна-мурад дусса, бюхансса ихтилат байва. Пахру багълай бия ва жула лаккудуш бушиврия, – увкунни ванал.

– ХIакьину жула райондалул жяматрацал хьунабакъин бувкIсса Сапижат Мазаева ва Артур Амуттинов жяматран бусравасса, даража лавайсса инсантал бур. Хаснува кIицI лаган ччива Виричу тарбия увса нину, Сапижат Мазаева. Хъамитайпа хIисаврайгу, нину хIисаврайгу ванин захIматсса кьинирду лахъан багъунни. Вай кьинирдугу цуппа кунмасса ниттихъалгу дакI данмур буллахъ, яхIирай лахълай бур ва.

Ванил оьрмулува чаннасса, ххарисса, тIаансса бакъа

ишру кьахъуннав уттиния тIхунмай тIий, дуаьгу дурну Сапижатлул хъачIунттайн кIяла чалагъай руртунни ЧIяйнал школалул директор Альбина Гаммакуевал.

Хъамаллуран цIуллушиву, тIайлабацIу чIатIутIисса ихтилатру бунни аьралий иширттал ветеран Шамхал Хизриевлул, жяматийсса ишккакку МахIаммад Оьмаровлул, Ваччийл оьрчIал багърал хъунмур Асват Чупалаевал, Ваччийл школалул директор Бажи Мирзаевал.

Къучагътуран наградартту дуллунни

Хьунабакъаврия махъ райондалул администрациялул къатраву хьуна хасъсса аьралий операциялул гьурттучитуран наградартту дуллалисса батIаву.

ПаччахIлугърал наградартту дулун увкIун ия Лакрал ва Ккуллал районнал аьралий комиссар Аьли ГъазимахIаммадов. Хъусрашиял шяравасса Рамазанлул арс Расул Будаевлул дуллунни «За отвагу» медаль.

Цуксса хIайпнугу, кIилчинмур награда – Чувшиврул орден, канил дугъан нясив кьархъунни Хъусрашиял шяравасса чувшиврий жан дуллусса Шагьмандаров МахIаммадлул. Ва дуллунни къучагънал нитти-буттахъхъун – Шихамирдухъхъун ва Мариныхъхъун.

Ва кьини аьралитурал ниттихъал, кулпатирттал, ссурварал дакI дансса, асар хъунсса махъру увкунни Сапижат Мазаевал.


– Шинниаргу хъинну ттун бувчIлай бур цукунчIавсса наградарттал жула кьюву лагъ къадантIишиву. Ци чулийгу яхI буллан, ссавур дуллан багъантIиссар. Жува мукIруну ва пахрулий бикIан аьркинссару жула аьсурварал Ватандалул мурадду, жула паракъатшиву дуручлай жанну дуллушиврий. Чув-бухъурчангу, дакIний битан аьркинссар жува лайкьсса аьсурварал ниттихъул бушиву, – увкунни Сапижатлул.

Имара САИДОВА
Андриана АБДУЛЛАЕВА



Шихамир ва Марина Ажуб ХIусмановлуцал

Дагъусттаннал цланихсса чичу ва сценарист



(ДФИЦ РАН) отделданул каялувчи Хизри Юсуповлул, «Зунттал хъами» журналданул хъунмур редактор Ххамис Шамиловал, «Замана» кказитрал корреспондент, прозаик ХIажимурад Раджабовлул. Мукум чичу даКинин утлатиса ихтилат бунни ванал маччадуш, Дагъусттаннал лайкь хъусса художник Лайла Изабакаровал.

Юрий ХIамзатовлул цала ихтилатраву кIицI лавгунни культуралул ххазинасса ирс ябаву хIакъину Дагъусттаннай хъхьичI ххуттайн ласун багълагъисса масъала бушиву, мил-



Сентябрьданул 11-нний Расул ХIамзатовлул цланийсса Национал библиотекалуву хъунни Дагъусттаннал халкъунал чичу АхIмадхан Абу-Бакардул «Даргиял душур» тIисса луттирал презентация. Лу итабавкъуну бур чичу, шаэр, публицист, сценарист АхIмадхан Абу-Бакар увну 95 шин шаврин хасну Дагъусттаннал издательствалул. Шиву бур авторнал «Марххалтанул инсантал» тIисса къиссагу. Вай оьрус мазрайгу, дарги мазрайгу бившуну бур. Луттирал хъхьичIмахъ чивчуну бур Миясат Муслимовал.

АхIмадханлул оьрмулул ва захIматрал ххуллиа бусласисса, ванал творчествалун лавайсса къимат бишлахисса ихтилатру бунни Дагъусттаннал цифрдал лябуккулул, информациялул ва печатьрал министрнал кIанайсса Юрий ХIамзатовлул, «Даггосиздатрал» хъунама Азнаур Абдурашидовлул, Дагъусттаннал халкъунал чичу Кыасумбаг МихIрабовлул, шаэр, таржумачи, публицист, Аьрасатнал Чичултрал союзрал Дагъусттаннал отделенилул ва Кавказулла халкъунал чичултрал клубрал председатель Миясат Муслимовал, Дагъусттаннал Чичултрал союзрал даргиял секциялул хъунама Муса БахIаммадовлул, Дагъусттаннал халкъунал шаэр Абдулманаповал, «Дагестанский аул» тIисса музей-заповедникрал директор Зумруд Сулаймановал, Мазрал, литературалул ва искусствалул институтрал

латирттал литература машгъур дуллан, ялун нанисса никиравун мунихсса гъира бутан аьркиншиву. Циняв ихтилатчитурал чIурчIав дунни ляличIисса гъунарданул заллу АхIмадхан Абу-Бакардул творчествалул Дагъусттаннал литературалул ва культуралул тарихраву яргсса лажин чирчушиврий.

Мероприятилий гъуртту хъунни вузирдал ва элмийсса идартарал вакилтал, студенттал, даргиял театрланул артисттал.

АхIмадхан Абу-Бакар хъанай ур «Дагъусттаннал халкъунал чичу» тIисса цIа цалчин ларсма. Увну ур ва Оьргьрал шяраву. Къуртал бувну бур М.Горькийл цланийсса литературалул институтва СССР-данул Главкинематографиялул чIисса сценар курсу. Зий ивкIун ур «Дусшиву» альманахрал даргиял выпускрал редакторну, Дагъусттаннал Чичултрал союзрал правлениялул жаваблусса секретарьну, «Ленинлул ттугъ» тIисса республикалул кказитрал редакторну. «Дагъусттаннал прозалул кIюрх» тIий ур ванал творчествалул хIакъираву Расул ХIамзатов. АхIмадхан Абу-Бакар хъанай ур Дагъусттаннал кинематографиялул гъану бивзмагу. 1959-ку шинал дурксса Дагъусттаннаясса ва Дагъусттаннал актертал гъуртту хъусса «Тучи покидают небо» тIисса цалчинсса художествалул фильм га цIана машгъур хъуну дур. АхIмадханлул сценариярттай аьмну 12 фильм ларсун дур.



Террорданийн къарщину бацIан

Дагъусттаннай хъунни террорданийн къарщину бацIаврин хас бувсса республикалул форум. Шикку гъуртту хъунни муниципал къуллугъчитал, кIулшивуртту дулаврил идарартгал зузалт, спортшколардал тренертал ва цаймигу терроризмалул идеологиялул ххулла къукъаврил давриву гъурттусса пишакартал. Форумрал сакиншинначину хъунни Дагъусттаннал Миллатирттал политикалул ва диннал иширттал министерство.

Цалчинсса къини зий бия, шанма секциялийх бавчIуну. Секциярдал лагрулий, Москва, Санкт-Петербургра, Пятигорскалия, Калининградрая ва цаймигу шагърурда бивкIисса ва шиччавасса хъхьичIунсса эксперттал буслай бия кIантту-кIанттурдай профилактикалул даву дачин дансса ттизаманлул къайдардая. Ххал бивгъунни муниципалитетирттал ва республикалул Террорданийн къарщисса комитетрал аппаратрал хIала-гъурттушиврул, иш багъни, чIумуй хъириб бизаврил масъалартту. Ва секциялул модераторталну бия НАК-рал (Национальный антитеррористический комитет) группалул каялувчи Виталий Малышев ва Дагъусттаннайсса Террорданийн къарщисса комитетрал жаваблусса секретарь Марат Расулов. Тарихрал элмурдал кандидат, дуняллул халкъунал дянивсса арардал ва къатIаллил политикалул кафедралул доцент, дуняллул халкъунал дянивсса ахттаршиннардал институтрал (МГИМО) хъхьичIунсса элмийсса зузала Сергей Маркидоновлул кIицI лавгунни дуняллийсса ишру ва информация региондалул вивсса иширттайн, миллатирттал ва диннал дянивсса арардайн асар хъун бюхъайшиву. Мунияту, нибгачIийсса тагъар хIасул хъусса чIумал, хъириб бизаврицIун, му хIасул дан багъана хъунсса иширттангу ххулла къукъин аьркиншиву. Гъаз бунни балугъравун къабивминнал тарбиялул масъалагу. Гъурттучитал буслай бия социал сетьру ва машгъурсса мессенджердавусса каналлал балугъравун къабивсса оьрчIу-душру хъаврин буллалаврия, оьрчIал коллективирдавусса арардая, питна хъун бюхъайсса тагъар ччяни кIул даврия.

Ца секциялул даву хас дурну дия, духовенствагу кIункIу дурну, жяматрашчал ва жагъилтурашчал дуллансса даврин. Гъурттучитурал ихтилат хъунни цукун, ссайну кIул бантIиссарив аьркин бакъасса иширттавул кIункIу хъусса жагъилтал, ци чаран лякIинссарив миннал дянив экстремизмалул пикрирду ппив хъун къабитан. Ва секциялул модераторну ия Дагъусттаннал университетрал Координациялул центрланул каялувчи МахIаммад МахIаммадов. Шикку гъуртту хъунни Чачаннавасса, Ингушетиянавасса хъамал, Дагъусттаннал Национал политикалул министерствалул, духовенствалул, вузирдал ва жяматийсса организациярттал вакилтал. Чачаннавасса опытрая бувсунни ЧГУ-лул Координациялул центрланул директор Ренат Мукаевлул. Эксперттурал ххал бивгъунни фейкру ппив баврил, тIайла бакъасса информациялул тагъар оьлукъин дуллалаврил масъалартту. Жяматрашчал ва жагъилтурашчал зузисса пишакартуран мюнпатсса маслихIатру бунни. Гъаз хъусса масъаларттал хIасиллу дулла, кIицI лавгунни ва ххуллий паччахIлугъгу, духовенствагу, кIулшивуртту дулаврил ва жяматийсса организацияртту пачIуну зун аьркиншиву.

Ца секциялул даву хас дурну дия информациялул майданнив терроризмалул идеологиялийн къарщи бацIаврил аралун. Аьрасатнал хъхьичIунсса элмийсса ва кIулшивуртту дулаврил центрдал эксперттурал бувсунни радикал информация ппив баврил ттизаманлул механизмардая ва жагъилтурашчалса профилактикалул даврил къайдардая, заралсса информациялушчал ччалли буккансса контент сакин даврия. Секциялул модераторну ия Дагъусттаннал Цифрдал лябуккулул, информациялул ва печатьрал министерствалул зузала Шамил Нажмуттинов. Стратегиялул ахттаршиннардал ва прогнозирттал институтрал (Аьрасатнал Халкъунал дусшиврул университет) директорнал хъирибчу, «Метаметрика» проектрал ва «Звезда» каналданул вакил Виктория Федосовал кIицI лавгунни къалмакъаллу дансса площадкану хъанахъишиву социал сетьру. Майжанныгу хъусса ишру фейкирдан ва провока-

циялул публикациярттан ишла бан бюхъайшиву. Мукум зузминнан яла къулаймургу миллатрал, диндалул ва миграциялул тема душиву.

Цала практикалул опытрая бувсунни И.Кантлул цланийсса БФУ-лул (Балтийский федеральный университет) Координациялул центрланул хъунама Михаил Авакьянлул. Ва центрланул дузрайн дуккан дулла бур экстремизмалул ва терроризмалул профилактикалул хIакъиравусса студенттурал проектру. Миннувах бур оьрус мазрайсса ва ингилис мазрайсса онлайн-курсу, мукум Аьрасатнал личIи-личIисса регионалсса студенттурансса арулва гъантлийсса хакатон (IT-лул пишакартурал командалул бьстччал).

Секциярдал даву къуртал хъуну махъ хъунни микку гъаз бувсса масъаларттал хIасиллу дуллалисса пленар заседание. Шикку гъуртту хъусса Дагъусттаннал бакIчинан кIанайсса Федор Шукинлул заседание тIитIлай, кIицI лавгунни хIакъину террорданиясса нибгачIаву хъунмурчIин информациялул, общественлул нибгачIаву дусса пикрирду ппив баврицIун, жагъилтал вай иширттавул кIункIу баврицIун дархIусса душиву.

– Радикал пикрирду, шялмахъру, провокацияртту, инсантурал оьрмулувусса захIматшивуртту ва миннал даКинивусса пашмансса асарду ишла баву – ва бур терроризмалул цIусса ярагъ. Жунмагу аьркинссар, кулпат, школа, власть, духовенство, жямат ва СМИ цачIун хъуну, вайнайн къалхану бацIан, – кунни Федор Шукинлул. Политикалул социологиялул центрланул элмийсса зузала, профессор (НИУ ВШЭ) Алексей Токаревлул кIицI лавгунни, форумрай вай масъалартту гъаз баву бакъассагу, пишакартурахъ практикий ишла дансса технологиярттая ва хIукмурдаягу бусан аьркиншиву.

Дагъусттаннал Национал политикалул ва диннал иширттал министр Тамерлан АбуТалимовлул кIицI лавгунни форумрал ттиния тихуннай жяматрашчал дуллансса профилактикалул даврил гъану бившиву.

**Лажин хIадур дурссар
Андриана АБДУЛЛАЕВАЛ**

БувчIавуртту

**ПЕРВООЧЕРЕДНЫЕ
МЕРЫ КПРО**

1

ОСТАНОВИМ РОСТ ЦЕН, ТАРИФОВ И УСЛУГ ЖКХ.

2

ВЕРНЁМ РАБОТУ В РОССИЙСКУЮ ГЛУБИНКУ. ПОДНИМЕМ ЗАРАБОТНУЮ ПЛАТУ.

3

ОТМЕНИМ ПЕНСИОННУЮ РЕФОРМУ. ВЕРНЁМ СПРАВЕДЛИВЫЙ ПЕНСИОННЫЙ ВОЗРАСТ: 60 ЛЕТ ДЛЯ МУЖЧИН И 55 ЛЕТ ДЛЯ ЖЕНЩИН.

4

СДЕЛАЕМ МЕДИЦИНУ И ОБРАЗОВАНИЕ ДОСТУПНЫМИ И КАЧЕСТВЕННЫМИ.

5

ВЕРНЁМ В СОБСТВЕННОСТЬ ГОСУДАРСТВА ПРИРОДНЫЕ РЕСУРСЫ И СТРАТЕГИЧЕСКИЕ ОТРАСЛИ ЭКОНОМИКИ.

6

ПРЕВРАТИМ ФИНАНСОВУЮ СИСТЕМУ СТРАНЫ В ИНСТРУМЕНТ ЭКОНОМИЧЕСКОГО РАЗВИТИЯ, А НЕ СПЕКУЛЯЦИИ.

7

УСТАНОВИМ ПРОГРЕССИВНУЮ ШКАЛУ НАЛОГОВ. ЗАСТАВИМ БОГАТЫХ ПЛАТИТЬ БОЛЬШЕ!

8

ПРИМЕМ ЖЁСТКИЕ МЕРЫ ПО БОРЬБЕ С КОРРУПЦИЕЙ. ВЕРНЁМ ДОВЕРИЕ К ИЗБИРАТЕЛЬНОЙ СИСТЕМЕ И ГОСУДАРСТВУ.

9

СДЕЛАЕМ ИНТЕРНЕТ ДОСТУПНЫМ И БЕЗОПАСНЫМ. ПРЕКРАТИМ ВНЕСУДЕБНЫЕ БЛОКИРОВКИ И ОГРАНИЧЕНИЯ.

10

ОБЕСПЕЧИМ РОСТ ДОХОДОВ ГОСУДАРСТВА. УКРЕПИМ ВПК И АРМИЮ.

” Дагестану
нужны Новые
Люди

Новые и молодые

(с)Абдулмеджид Газилаев

ДАГЕСТАН
НОВЫЕ ЛЮДИ

ЕДИНЫЙ ДЕНЬ ГОЛОСОВАНИЯ

2026

181920

СЕНТЯБРЯ

СР

СПРАВЕДЛИВАЯ
РОССИЯ

С ЛЮБОВЬЮ К РОДИНЕ,
С ЗАБОТОЙ О ЛЮДЯХ!

✓

№1

В БЮЛЛЕТЕНЕ

Выбирай
«ЕДИНУЮ
РОССИЮ»!

ЕДИНАЯ
РОССИЯ

18-20
сентября
2026
ВЫБОРЫ ДЕПУТАТОВ
ГОСУДАРСТВЕННОЙ ДУМЫ
РОССИЙСКОЙ ФЕДЕРАЦИИ
IX СОЗЫВА

ЗЕЛЁНЫЕ
ПАРТИЯ
ПОЛЕЗНЫХ ДЕЛ

№5 В ИЗБИРАТЕЛЬНОМ
БЮЛЛЕТЕНЕ



КОММУНИСТЫ
ЗА ПОБЕДУ
И СОВЕТСКУЮ
ВЛАСТЬ!

ГОЛОСУЙ ЗА
№10

Федор Щукиннул дагъусттанлувтуран наградартту дуллунни



Сентябрьданул 14-ний, Дагъусттаннал Халкъуннал цашиврул байрандалул хъхьичIмур кьини, республикалул бакIчинал чIумуйнуса кIанайма Федор Щукиннул паччахIлугьрал наградартту

дуллунни хъхьичIунсса дагъусттанлувтуран.

«ХIакьину жува бавтIун буру личIинурасса байрандалул-Дагъусттаннал Халкъуннал цашиврул байрандалул хъхьичIмур кьини. Ванил жунма дакIинин

АбдурахIман Адамов бутлатиссар сайки 300 шинал хъхьичI, Дагъусттаннал жула аьраллу цачIун хьуну, чапхунчитал дардагьил буну бивкIшиву. Жунма дакIинийссар 1999 шинал хьуну бивкIсса ишругу, га чIумалгу дагъусттанлувтал

цIунилгу гъаз хьуну бивкIссар жула улча буруччин, ккаккан дурссар чувшиву ва къучагъшиву», – увкунни Федор Щукиннул.

Ванал тIимунийну, халкъуннал цашиву аьям шайссар, кьини дурксса чIумал дакъасса-гу, гьарца оьрчIан за лахъхьин буллалисса, оьрмурду ххассал буллалисса, культура ядуллалисса, аьмсса кьатта – Дагъусттан цIакъ буллалисса инсантурал захIматравугу. Гьамин, муниятур, региондалул бакIчинал мукъурттийн буну, ва кьини республикалул цIанияту хъхьичIунминнавату хъхьичIунми хIурматрай бавтIун, хIурматрал махьругу куну, барчаллагьгу учайсса.

Федор Щукиннул личIину кIицI бунни кIунттихь ярагъунищал талай бивкIми. Барчаллагьрал махьру увкунни СВО-лий гьуртту хьуминнахь.

Мероприятиялул ахирданий Федор Щукиннул уттигу цал цинявннахь барча дунни Дагъусттаннал Халкъуннал цашиврул кьини, чIа увкунни ванияртихуннайсса хъхьичIуннайшивуртту, цIакъсса цIуллишиву ва чIал дакъасса ххувшаву.

Кулпатрал институт цIакъ бавриву лайкъ шаврихлу ва 10 оьрчI тарбия баврихлу Асият Дибирован дуллунни орден «Нину-виричу».

Куьтуралул ва магьирлугь-

рал бутIува «Заслуженный работник культуры Российской Федерации» тIисса хIурматрал цIа дуллунни Дагъусттаннал лайкъ хьусса кьавтIаврил «Лезгинка» ансамбльданул балетмейстер-постановщик Нелли Мусаеван. Дагъусттаннай шинахъхьун лагаврил биян бувсса зараллу бухлаган бавриву бивхьусса захIматрахлу АьФлул Президентнал чулухасса Барчаллагьрал чагьар буллунни волонтертуран Зарема Абдуллаеван ва Сяид Абумуслимовлун. Аьралуннал бурж биттур буллач чувшиву ва къучагъшиву ккаккан даврихлу «За проявленное мужество» тIисса медаль дуллунни сержант Абдул-Жабар Рзахановлун ва хьунама сержант Низам Садиговлун. Дагъусттан Республикалул ХIурматрал грамота дуллунни 3-мур ранграл капитан Иван Морозовлун.

ПаччахIлугьрал мюхчаншиву цIакъ давриву бувсса кумаграхлу отставкалийсса генерал-майор Аьзизбаг Чересовлун дуллунни «За проявленное мужество» тIисса медаль.

Жула лакрал миллатрал арс АбдурахIман Адамовлун дуллунни «Заслуженный работник в сфере обслуживания» тIисса хIурматрал цIа. Наградартту дуллунни цайми-цайминнангу.

ХIадур бувссар
ХI. АЬДИЛОВЛУЛ

Вай гъантрай Дагъусттаннай даврил иширай бивкИсса Аьрасатнал Федерациялул советрал председатель Валентина Матвиенкошалсса хьунабакъаврий гьуртту хьусса Сапижат Мазаевал бивсунни ванихь, республикалий СВО-лий гьуртту хьуминнал ва миннал кулпатирттал масъаларттах цукунсса къулагъас дуссарив.

КИИЦ лавгунни, 52 муниципалитетрай «Защитники Отечества» фондрал филиаллу бившиву ва аьмну 27 000 масъала бартбивгъушиву.

Бивсунни мукунма Дагъусттаннал Хъаннил союзрал дуллалисса давриягу, СВО байбивхьусса кьинилия шинмай республикалул душру, кув маскардансса кьертту шашлай, кувгу окопирттацунсса майлул чирахьру буллаи бушиву. Цимилагу гуманитар кумаграшал аьралитуратан лавгсса душругу чIявусса бушиву. Гъаннайсса,

«Арсру чилсса къабикIайссар»



фронтрайминнал ва кьинттул-лукмур фронтрайминнал дахIаву хIура дуккан къариртушиву. Чил арсру къабикIайшиврий

чIурчIавгу дурну, бивсунни кIийла Чувшиврул ордендалун лайкь хьусса Руслан Примовлул ниттил Аида Примовал

Къарахановал «Поколение чести» тIисса проектрайгу.

Вирттаварал арсру ва душру буттахъал гьунардаа бусласисса

«Вирттаварал оьрчIру» тIисса видеопроектрай буслай, Сапижатлул КИИЦ лавгунни вагу оьрчIан ва жагьилтуран патриот зумунусса тарбиялул даву душиву.

Сапижатлул барчаллагь увкунни Дагъусттаннал бакIчи (врио) Федор Щукиннухь СВОлул ветерантурал къатта бувансса сипталухлу.

«Ветерантурал бикIантIиссар агъамсса масъалартту гъаз буллансса ва ми бартбигьлансса къатта, цачIу-чIарав шябикIансса, куннан кув кумагру буллансса», – увкунни ванил.

Валентина Матвиенкол хьинчулий ккавккунни аьралитурансса реабилитациялул центр бувансса сипта, чIурчIав дунни, СВО-лий гьуртту хьусса цуя ца инсан лях гъан къаивтун, гьарманах къулагъас дуван аьркиншиврий.

Патимат РАМАЗАНОВА

Сентябрьданул 5-ний дай-дирхьуссия Дарбантлив, «Патриот» паркрал майданнив, ххюва гъантлийсса жагьилтурал форум «Каспий –2026». Ва дуниялул халкьуннал дянивсса XIII-мур форумри.

Ваний Аьрасатнал 50 регион-далиясса ва 7 кьатIаллил билая-траясса жагьилтал гьуртту хьунни. Аьмну – 600 инсан.

Форум тIитIлатIисса шад-лугърай бавтIцири барча бунни республикалул ХIукуматрал хьунаманал хьиривчу Муслим Телякавовлул.

«Гъар шинах ва форумрал чIалачIи бувай Дагъусттаннай итххьавхсса, хайр-мюнпатранну кьуццу тIитIисса жагьилтал чIявусса бушиву. ДакI дарцуну ура миннал проектругу оьрму хьхьичIунмай хьит учин баврил ххулийсса хьит бушиврий», – увкунни ванил. Проектруми личIи-личIисса дия. Масалдаран, «Ххувшарил вари-стал. Аьралуннал чувшиврул

Дарбантливсса жагьилтурал форум



кIанттайнсса аьрххирду». Мукунма волонтертурал проектру, жагьилсса предпринимательту-

рал продукция. Вай сиптардал презентация дурна Проектирдал аллеялий.

Ххюва гъантлул мутталай жагьилсса предприниматель-тал, волонтертал, педагогтал ва миннал насихIатчитал агъамсса масъалартту гъаз буллаи, мастер-классру ккаккан буллаи зий бивкIунни. Экспертгъуравух бия Аьрасатнал Виртталгу, машгьурсса жяматийсса ишккак-култту, личIи-личIисса иширтта-ву чувшиву ккаккан дурсса инсанталгу. Аьрасатнал Виричунахьхьун, дагъну нанисса самолет ххассал дурсса Дамир Юсуповлухьхьун, СВО-лул Вирттаварохьхьун жагьилтурал буллалисса суаллу чIявуя.

Форумрал проектирдансса завалул фонд 6 миллион бия, вайннун лайкь хьуна ххув хьусса 10 инсан.

Форум лакьлакьисса кьини ваний гьуртту хьунни Дагъусттаннал бакIчи (врио) Федор Щу-

кингу. Ванил бивсунни, ялу-ялун ва форумрал сийгу лахь хъанай, географиягу гъарта хъанай бушиву, ялунчIингу вара журалул форум дувансса ният душиву.

Форумрал лагрулий «ТАСС Кавказ» информационный центрданухьхьун дуллусса интервьюраву жагьилтурал иширтталсса буллалисса министр (врио) Камил Саэдовлул КИИЦ лавгунни, шин кьуртал хьуннин Дагъусттаннайсса волонтертурал аьдад 120 азаруннай диян дувансса мурад бушиву, дуклаки оьрчIру-активистгъал патриот турдай Москвалийн ва Петербурглийн тIайла буккантIшиву. Бивсунни ва нанисса шин кьуртал хьуннин Дагъусттаннай мукунна ЧС-лул центр добровольчества тIитIинтIишивугу.

Патимат РАМАЗАНОВА

Кьини дурксса чIумал чIарав бавцIунни

Дагъусттаннайнсса аьрххил-лул лагрулий Аьрасатнал лайкь хьусса артистка Жасмин хьунабавкьунни Дагъусттаннал бакIчинан кIанайсса Федор Щукиннушал.

Ванил барчаллагь увкунни Жасминнухь ва ванил кулпатрахь кьини дурксса чIумал Дагъусттаннан кумаг баврихлу. Федор Щукиннул ххал бивгъунни Жасминнушал ванил дуллусса арцу социал объектирдан харж даврил масъала. Бакьин бивну, зузи бан тIий бур Каспийскалийсса оьрчIал багъ. Ва зун бикIайхту, 200-нния ливчусса оьрчIру камул бан хьунтIий бур. Му бакъассагу, агъали марцIсса щинал дузал баву мурадрай, Хасавюртуллал райондалиясса Адильотар, Кадьротар ва Тутлар шяраваллаву дуккан тIий дур шанна кьуй. Инфраструктура дузал даву мурадрайсса сиптардайну шаназарунния ливчусса дагъусттанлултурал ялапаршиннарал шартIру кьулай хьун тIий дур.

Дарбантуллал районда-



Жасмин, ванил арс ва душ Федор Щукиннушал

лийнсса аьрххилий, Жасминнул тIабиаьтрал балардал къатта-къушлицIа бивсса инсантурахьхьун цIусса къатрал кIулли дуллунни. Щанасса чIумал, гуманитар программалул лагрулий зувиллий шанма Дагъусттаннал кулпатран кумаг бунни. ГъануцIакул бивсса арулва тти-

заманнул къатта буллуну бур яла кумаг аьркин багълагьинннан: чIявусса оьрчIру бусса нитти-буттан, пенсионертуран ва захIматсса азарду дусса къашайшалтран.

– Дагъусттан – ттул чIиримур ватангур, ттул дакIгур, ужагъгур. КIулбакъа бала ялун бивну,

инсантал цимурцаннуцIа хьусса чIумал, жува чIарав бацIан, шаймур бан аьркиншиврий жу шак тIий къабивкIру. Вай шанма зурул дянив хьуннасса даву дан буюхьунни. Жу къатта-къушлил шаллу барду 33 кулпат. Яла агъаммурдив – инсантуран нигъачIаву дакъашивур,

оьрчIал иттав ххарисса пар ххал шавур, – увкунни Жасминнул.

Федор Щукиннул дуллунни Жасминнул «За милосердие и благодеяние» тIисса Дагъусттан Республикалул хIурматрал лишан.

– Ва награда рахIму-цIимилул аьдатру дуручлай, хьинбалартту-хьиншивуртту дулалалиминнахь дакIнийхтуну барчаллагь тIисса лишанни. Жула халкьуннайх кьини дурксса чIумал Жасминнул щила инсаншиву ккаккан дунни. Артисткал ва ванил ласнал 500 миллион арцул булунни тIабиаьтрал баларду бивсса инсантуран кумагран, региондалул инфраструктура цIу дуккан дан. Вайннал кумаграцIух дурссар цаппара кьатри Дарбантуллал райондалиясса Мамедкьала поселокрай. Дайдирхьунни агъали марцIсса хIачIай щинал дузал бансса проект. Жасмин уттигу бур Дагъусттаннан кабакьу буллаи. НукIура ванил дуллуну диркIсса арцул бакьин буллаи бур Каспийскалийсса оьрчIал багъ, – бивсунни Федор Щукиннул.

Анриана АБДУЛЛАЕВА

«Илчилул» календарь

Ва зуруй бувссар:

Сентябрь зурул 21-ний 1883 шинал увссар Дагъусттаннал халкъуннал шаэр **АбутГалиб Гъапуров**.

Сентябрь зурул 22-ний 1947 шинал увссар полковник, жяматийсса ишккакку **ХІасан-ХІусайн Абуев**.

Сентябрь зурул 23-ний 1907 шинал увссар чичу, драматург, Лакрал театрданул директор **Минкаил Аьлиев**.

Сентябрь зурул 23-ний 1928 шинал увссар тарихрал элмурдал доктор, профессор, РАН-далул член-корреспондент **Рауф Мунчаев**.

Сентябрьданул 25-ний 1918 шинал увссар Совет Союзрал Виричу **ХІажи Бугъанов**.

Сентябрь зурул 25-ний 1925 шинал увссар журналист, тарихрал элмурдал доктор, профессор **МахІаммад Буттаев**.

Сентябрь зурул 27-ний 1938 шинал увссар художник **Арсен Къардашов**.

Чаннату ябанну чувшиврул тарих

Жул ппухълуннал улчай – Лакку билаят, Дагъусттаннал ссавний Пперха тІисса барз.	ПпабакІу, Къимизу, АьтІи мабари. Яс бишин мабари Щуну ва КъукІма.
Буруччара, арсрув, Аьзиз билаят, Турдах къакъукъайсса Машгъурсса тарих.	Буруччара, арсрув, Лакку билаят, Ппухълуннал чувшиву, ЯхІ ва къирият.
Ябувара, душрив, Арцул щарашив, Миллатрал вирттаврал Мякъ лиххан байсса.	Щунил цІулаганнав Гъази-Гъумучи, Жулва ниттил мазрал Арцул щарашчи.
Буруччара, дустал, Щархъал ккурчІарду – Аькълулул, КІулшилул Мяъданну хъусса.	Чаннату ябанну Ялун никиран Лакку билаятрал Чувшиврул тарих. Шалласу ШАЛЛАСУЕВ

«Халкъуннал бивкІу бакъашиву ниттил мазравур дусса»



МахІачкъалалив, ЦІусса никирал библиотекалу-ву (ЦБС) «Халкъуннал бивкІу бакъашиву ниттил мазравур» тІисса цІанилу дунни Аьрасатнал Халкъуннал мазурдил къинилун хас дурсса вечер.

Библиотекалул зузалтрал бувсунни Расул ХІамзатовлул цІанийсса литературалул фестиваль нанисса гъантрай гъар шинах укунсса журалул мероприятияртту дувайшиву, дуклаки оьрчІайн ва учительтурайну оьвкуну. Гъашину кІицІ лавгсса байрандалуцІун дархІуну лахъахъунну литературалул фестивалгу дуллаи бухъувкун, мероприятиярттал аьдадгу хъун дуршиву цалагу.

Та къинимур байран дия МахІачкъалалал 8-мур лицейрал учительтал ва дуклаки оьрчІру гьурттусса. Вечер дачин дурну бия библиотекалул сотруднича Оьмарова Эьмира. Ванил дайди хъу дуллалисса махъ лахълай кІицІ лавгунни, библиотека мазру ва культура ядаврил ца кюру хъанахъишиву, рувхІанийсса хъус-ххазина ядаву аьмсса мурад бухъувкун, вава мурадрайсса ххулий къуццу тІутІиминнашалсса хъунаба-кьавуртту дуллантишиву. Чъа-чъяни библиотекалийн хъамал батІлантІишиву.

Хъамаллуравух бия чичулт ва журналистталгу. Къумукънал «Елдаш» кказитрал культуралул отделданул хъунама, Аьрасатнал Чичултрал союзрал член Яраш Бийдуллаевлул бувсуна миллатрал кказитрал тарихрая, ниттил мазрал учительтуран хІарачатрай зун багълай бушиврия.

Нагу бувсъссия нава чІярусса шиннардий «Илчи» кказитрай оьрчІансса рубрика дачин дурну бушиву ва ци захІматшивуртту дунугу, буттахъал жунма къабивтсса ниттил маз буруччин, миннал аманатрайн хиянатшиву къадан шаймур буван аьркиншиву. ХІакъину ниттил мазру ябаншиврул, нитти-буттахъал школардайн, школардал нитти-буттахъайн къабутлай, циняв лагма лавгун, кулпатругу, школардугу, жаматгу хІарачат булан аьркиншиву. Вава мяъна-мурадрайсса ихтилат бувна яруссаннал «ХІакъикъат» кказитрал корреспондент Надира Амирановалгу.

Библиотекалул отделданул хъунмур Карият Асильдеровал

кІицІ лавгунни цуппа Ахвахский райондалиясса бушиву, буттал миналийн лавгари ниттил мазрайсса гъалгъа оьрчІал зумув бакъашиву кьурчІи бизлай бушиву.

Хъунни ихтилатру ниттил маз дихълахъисса учительтал цивппагума оьрчІашал оьрус маз хІала бакълай гъалгъа тІий бушиврия, ниттил маз ххуйну кІулмагу, бувагу къакІулмагу маз буруччин аьркиншиврия буслай бушиву, амма лахъхъин баврия лябукку чІалай бакъашиврия.

Дагъусттаннал миллатирттал мазурдийсса балайрду увкуна балайчитурал Муминат Къурбановал ва ПатІимат Исаявал.

Мяйлчинмур лицейрал 8-мур классрал дуклаки душ Аьйша Хаммаматовал бувккуна къумукъ мазрайн таржума бувсса Расул ХІамзатовлул «КІяла кьурукъру» шеъри.

Гъаннайсса, ва мероприятие хъуна, халкъуннал тарихгу, культурагу, аьдатругу ниттил мазрава нанисса духъувкун, му хъама битан къабучІишиву цал уттигу асар хъуншиврулсса ва лаласуншиврулсса давуна.

ПатІимат РАМАЗАНОВА

Аьрасатнал Халкъуннал мазурдил къини Иваново шагърулий, Миллатирттал къатлуву, чирчунни лакку мазрайсса диктант. Ва областърал тарихраву цалчинсса ишри.

Диктантру чирчуну дур ва къини оьруснал ва татарнал мазурдийгу. Дагъусттан Аьрасатнал билаятрай яла чІявуми мазру бусса регион бухъувкун, хІукму бувну бур лакку мазрайссагу чичин. Ва давриву бутІа бивхъуссар, гъай-гъай, Ивановскалал областърал Культуралул ва бюхъу-бажарданул центрданул сопредседатель, лаккучу, МахІаммадрасуллул арс Всеволод Къурбанов ушиву. Ванал мархри Бярнихассар, цувагу даву ххуйну кІулсса юристри. Цува заллусса «ЮристЪ» тІисса компания хІасул дурну зий уссар.

«Каспий» тІисса цІанилу кІа ялув кІицІ лавгсса Центр хІасул дайминнавух гъану бивзумагу, хъар ларсун нанимагу цува Всеволодри. Лакку мазрайсса диктант ккалайгу ва цува ия.

Ниттил маз Ивановолий лакку диктант чирчунни



Найбунува бусанна, «Иваново.Вести» тІисса телевидениялул сюжетрай навагу Всеволодлул диктантрах вичІи дирхъушиву ва опыт бусса диктор куна, хъинну ххуйну ккалай ивкІишивугу.

Диктантрал хІакъираву ванал цала укун бувсунни: «Диктант чичин язи бугъарду халкъуннал шаэр Расул ХІазатовлул ниттил маз аваданшиву, хъус-ххазина хъанахъишиву бусла-сисса текст. Шаэрнал яру мазрай чивчусса ва текст ялар цайми мазурдийн таржума бувссагу. Ванал гъамин ниттил мазрай чивчусса текст язи бугъавривугу дуссар ххуйшиву. Ва ялагу, Расул ХІамзатовлул творчество чІяву миллатирттал литературалул лишанни. Ивановолийсса Миллатирттал къатлул вакил Гульнара Шакировал увкусса куццуй, вайннал мурад бия миллатирттал мазурдил пасихІшиву ккак-

кан дуван. Диктант чара бакъа так, лакку маз кІулминнал чичин аьркинссар тІисса ишгу бакъая. Циняв миллатирттал мазурдил хІурмат бушивруцІун, ми мазурдих вичІи дишинсса сант дия. Алфавитрая хавар ласун. Диктант чирчунни Ивановскалал областърайсса Дагъусттаннал хъаннил комитетрал вакилтурал, Конголул агъулданул ва оьрус миллатрал инсантурал. Вайннан лакку хІарпру зумух ласун лавхъхъуссар. Гъаннайсса, мазрайхчин жула билаятрал культура цукун авадансса ва жура-журасса дуссарив ккаккан бувансса ххулийсса давугур. Лакку мазрайхчин лакрал дакІничІансса ххулу ласунсса. Мукун хъугу хъунни. Цава ца текст личІи-личІисса мазурдий чивчунни. Мазру жура-журассар. Ватанмур цар».

ПатІимат РАМАЗАНОВА

Цалчинмур классравун цаягу оьрчІ къаувкІун ур

Цанасса чІумал школай каялувшиву дуллаи бур директор Гаммакуева Альбина Хажиевна. Дур школай оьрчІан тарбия ва куртІсса кІулшивуртту дулунсса шартІру, бур ххаллисса учителътал. АцІния арула лавайсса даражалул пишкар. Миннаух бур Дагъусттаннал лайкь хъусса учителътал, Аьмсса кІулшивуртту дулаврил ва Тарбиялул сфералул хІурматлувсса зузалт. Цана «Земский учитель» программалий шиккун увкІун ур физкультуралул ва тарихрал дарсирдал учитель Арслан Бариев. Гъарица шинахсса ккаккияртах бурувгун ЧІяйнал школа райондалул хъхьичІунсса школардал сияхІрай бур. ХІайп, цимилагу хІайп, лапва чанну бур оьрчІру. Увагу 30 оьрчІ. ЧІяйнал школалул тарихраву цалчин хъуну бур цалчинмур классравун оьрчІру къабувкІсса иш. Бакъар школай гъашину 3-мур ва 7-мур классру. 11-мур классраву увагу ца инсан ур. ОьрчІал багъраву ур 11 оьрчІ, 5 зузала.

– ОьрчІру чансса бушиву цІана чІавуми шархъал школардал цІуцІи кІану бур. Ва я школалуша, я КІулшивуртту дулаврил управлениялуша шаллу бан шайсса масъала бакъар, республикалул даражалийсса хасъсса программа дикІан аьркини. Инсантал шярава шагърулийн къабизланшиврул, миннан шартІру дузал дан аьркини. ОьрчІру чансса бунугу, жун даву чанну бакъар, хІарачат буллаи буру муданма хъхьичІунсса ЧІяйнал школалул цІа яларай дагъан къаритан. Жул школалул дуклаки оьрчІал мудангу райондалул, республикалул, федерал конкурсиртай хъхьичІунсса кІанттурду бугъайссар. ХІакъину жучІа дуссия аьдатравун дуртесса школалул цила каялувшиндарал бувчІавуртту. Гъашину ххюйлчинсса шинни дуклаки оьрчІал цала дянив «президент» увчІлай. Му дуккавил, низамрал, спортрал ва цаймигу давурттаву ттул урчІакану хъанхъиссар, – тІий, буслай бур Альбина Хажиевна.

Мийжаннугу, 2018-ку шиная шихунмай школай каялувшиву дуллаи, ванил хъунмасса хІарачат бунни школалул даража гъаз бан, хъхьичІуннайсса ккаккияртту чІалачІи дан. Ванил цилагу мусил медальданий къртал бувссар ЧІяйнал школа. Дагъусттаннал университетрал юридический факультетгу къртал бувну, шяравун бувкІун, школай правовединялул дарсру дихълай бивкІун бур, яла бувххун бур педуниверситетрал математикалул факультетраин. 2013-ку шинал бивтун бур оьрчІал багърал каялувшину. Микку зузисса шаннагу шинал дянив гъарзат цІу дуккан дурну, оьрчІан къулайсса шартІру дузал дурну дур. 2015-ку шинал ванил бюхъу-хит ва хІарачат чІалай, бивтун бур Ккуллал райондалул КІулшивуртту дулаврил управлениялул хъунмур-

Куллал райондалийнсса аьрхилул лагрулий жу бивру цІанихсса ЧІяйнал школайингу. Ва школа шалагу республикалий цІа машгъурну диркІсса, авадансса тарих бусса школар. Ва Ккуллал райондалий КІулшивуртту дулаврил сайки цалчинсса идарану хъуссар.



Альбина Гаммакуева



ну. 2018-ку шинал ва бувкІун бур ЧІяйнал школа-багърал директорну. Шиккугу каялувшинал опытгу, гъунаргу бусса Альбина Хажиевна диялсса даву дурну дур школалул даража гъаз бан. Валайкь хъуну бур «Аьрасатнал аьмсса кІулшивуртту дулаврил хІурматлувсса зузала» ва «Дагъусттаннал лайкь хъусса учитель» тІисса цІардан.

Жу бувкІсса чІумал школай бия завуч - лакку мазрал ва литературалул учитель Арсен Мяммакъурбанов, ингилис мазрал учительница Аминат Халилбагова, педагог-организатор ОБЗР («Основы безопасности и защиты Родины»), техникалул учитель Арслан Рамазанов. Аминат Халилбаговал кІия арс Тимур ва МахІаммад хасъсса аьралий операциялул гьурттучиталли. Хасъсса аьралий операциялий



Зарифа КъурбанмахІаммадова

бур Арслан Рамазановлул, байбихъул классирттал учительница Лиза Къубатаевал арсругу. ЧІяйнал школалул 18 выпускник ур хасъсса аьралий операциялий. Миннаух ур Совет Союзрал Виричу ЦІаххай Маккаевлул арснал, ЧІяйнал школай физкультуралул учительну зий

ивкІсса ЖакІпарханнул оьрчІ Даниялгу. Тарихрал учительница ПатІима Рамазановал арснал чувшиврий жан дуллуну дур.

Школалийсса ххаллисса Аьралий савлугърал музейраву хасъсса аьралий операциялий, Буттал кІанттул цІанийсса Хъунмасса даявильи, Авгъанавусса, Венгриянавусса даявилул иширттаву жанну дуллуниннан цанма-цанмасса мурицІу личІи бувну бур. Гъай-гъай, музейраву агъаммур кІану бувгъуну бур Совет Союзрал Виричу ЦІаххай Маккаевлул хас бувсса кІанттул.

Шяраваллаву бакъа чара бакъасса социал объектирдавасса ца хъанай бур ФАП. Бивру жу миккунгу. ЧІяйнал шяравусса ФАП бувну ацІунния лирчусса шинну хъуну дур. 1992-ку шиная шихунмай муний каялувшиву дуллаи бур Зарифа КъурбанмахІаммадова. Къизлардай медициналул училище къртал бувну махъ кІира шинай Ашттарханнай Газпромрал поликлиникалийгу зий бивкІун, буттал шяравун зана хъуну, шикку зун бивкІун бур. Санитаркану зий бур Людмила Катаева. ФАП-рал аякъалулу ур 200-300-нния(кІинттул чІумал) 600-700-ннийн (гъинттул чІумал) бияннинсса инсантал. Цанасса чІумал кІива вилттилиоьрчІгу бур.

Анриана АьБДУЛЛАЕВА



ЧІяйнал школайинсса Аьралий савлугърал му-

Шаэр дакІнин увтунни



Москвавил лахъа-хъунну дакІнин увтунни Дагъусттаннал халкъуннал шаэр Расул

Хамзатов. Увсса къинилуцІун бавхІуну, Яузский бульварданійсса шаэрнал гъайкалдануцІ

тІутІив дишин бувкІун бия мукъат халкъуннал. Мероприятіялий гъур

тту хъунни Аьрасатнал президентнацІунсса Дагъусттаннал вакилнал бигарду чІумуйсса

бартбигълагъисса Руслан Нагиев, «Дагестан» МЦК-лун президент Арсен ХІусайнов, шаэрнал душ ПатІимат Расуловна ва мачча-гъанми, Москвавил ялапар хъанахъисса дагъусттанлувтал ва Р.ХІамзатовлул творчество ххирами. Шаэр дакІнин утлатисса, ванал творчествалун лавайсса кымат бишлашисса ихтилатру бунни Руслан Нагиевлул, Арсен ХІусайновлул, паччахІлугърал ишккакку Рамазан АбдуллатІиповлул ва м.ц.

Руслан Нагиевлул кІицІ лавгунни Расул ХІамзатов шалагу дуняллий машгурсса шаэр ушиву, ванал творчество къакІулсса нажагъсса бушиву, шаэрнал произведенийартту чІявусса мазурдийн таржума бувну бушиву. ГъайкалдануцІ тІутІив дирхъуну махъ, гъуртучитурал бувккунни ванал шеъррду, увкунни балайрду. Мероприятие къуртал хъунни Р.ХІамзатовлул мукъурттийсса машгурсса «Къурукъу» композициялину.

Дагъусттаннай — сийлийсса конкурсрал финал



Сентябрь зурул 7-11 къинир-сдай МахІачкъалалив хъунни Шалагу Аьрасатнал цІу лешан дувултрал ва ххассал бувултрал дянивсса музыкалул творчествалул конкурсрал шамилчинсса этап. Творчестволул бьст-ччал най бия «Журавли» тІисса научно-оздоровительный комплексраву.

КІицІ лаган, Аьрасатнал МЧС-рал цІу лешан дувултрал

ва ххассал бувултрал дянивсса музыкалул творчествалул конкурс аьдатравун дагъну дуссар. 2024-ку шиналсса финал хъусия Сочилий, ларгсса шиналмур — Башкортостаннай. Гъашину конкурсрал шамилчинсса этап МахІачкъалалив дан пикри хъунни сакиншинначитуран. Ва хас дурну дия Аьрасатнал Халкъуннал цашиврул ши-

нан. Дагъусттаннал МЧС-рал Агъаммур управлениелул чулха конкурсрай гъуртту хъунни хъунисса пожарду лешан дайсса хасъсса частьрал пишакар Исламхан Шихаилов. Конкурсрай гъуртту хъусса 90-нния ливчусса пишакартурава комиссиелул язи увгъунни 21инсан. Ми гъуртту хъунни сентябрьданул 10-нний Яруссаннал театрданул хъхъичІсса майданнив хъусса гала-концертрай. Мероприятіялий гъуртту хъун бувкІун бия Аьрасатнал МЧС-рал хъунаманал хъиривчу, виваллил къуллугърал генерал-лейтенант, Вячеслав Бутко, Дагъусттаннал ХІукуматрал председатель МахІаммад Рамазанов, регионнал властьрал ва ихтиярду дуруччай органнал каялувчитал. Бусравсса хъамаллуравух бия Дагъусттаннал культуралул министр Зарема Буттаева, Дагъусттаннал КІулшивуртту дулаврил ва элмулул министр ЯхІия Бучаев ва м.ц.

Концерт дайдирухъунни «Дагестан» тІисса паччахІлугърал балайлул ва къавтІаврил ансамбльданул ккаккан дурсса лезгинкалийну. Хъирив шаллу дунни Аьрасатнал ва Дагъусттаннал гимну. Гъурттучитал барча буллалисса ихтилат бунни Вячеслав Буткол.

— Цалчин, ттун барчаллагъ учин ччива Дагъусттан республикалул каялувчитурахъ конкурсрал финалданул концерт МахІачкъалалив дансса сантуртун тІий, чІарав бавцІуну тІий. Мукунма барчаллагъ тІий ура цинявппагу гъурттучитурахъ, бигъа бакъасса пишалул ххуллий зий, къуллугърал буржругу лайкъну бартбигълай, творчествалул ххуллийгу цивппа ккаккан бан буюхъусса, — увкунни ванал.

Цала ихтилатраву Дагъусттаннал премьер-министрнал КІицІ лавгунни вайксса бусравсса хъамалгу къамул бувну, укунсса даражалул конкурс жула республикалий даву ккалли бан бучІисса иш бушиву, му Аьрасатнал Халкъуннал цашиврул шинал давривугу цила тІилисин бушиву.

Конкурсрал гъурттучитурал

ккаккан бунни вокалданул, музыкалул инструментару бишаврил ва хореографиялул номерду. Дия личІи-личІисса номинацияртту. Аьрасатнал МЧС-рал хъунаманал тапшур бувну, Вячеслав Буткол дуллунни наградартту «Танцуй и пой» тІисса номинациялуву ххув хъуминнан ва призертуран.

«Авторская песня о профессиональной деятельности» номинациялуву ххув хъуминнан наградартту дуллунни МахІаммад Рамазановлул. «Голоса народов России» ва «Образ Родины в музыке» номинациярттаву хъхъичІунсса КІанттурду бувгъуминнан — Аьрасатнал Виричу Энвер Набиевлул ва Дагъусттаннал МЧС-рал Агъаммур управлениелул хъунама Муслим Девришбековлул.

Мероприятіялул сий гъаз дунни Къизлардал терский ансамбльданул шаллу бувсса Ватадалухасса балайлул. Гала-концертрал исват бунни Аьрасатнал МЧС-рал зузалт пишакаршиврул лавайсса даражалуцІун, творчествалул гъунардугу ххишалану буллусса бушиву.

Регионнащалсса дахІаву цІакъ дан

Аьрасатнал президентна-вакилханалул хъунаманан КІанайсса Руслан Нагиев хъунаавкъунни Красноярскаллал крайрайсса Дагъусттаннал ХІукуматрал вакил Руслан Талибовлуштал.

Ихтилат хъунни цачІу дулансса агъамсса давурттал ва уттиния тихуннайсса хІала-гъурттушиву лядуккан даврил хІакъиравусса. Хъунабакъаврий гъаз хъусса агъамми масъалартту бия хасъсса аьралий операциялий гъуртту хъанахъисса ватанлувтурал (Дагъ-



Руслан Талибов ва Руслан Нагиев

устаннаясса аьралитурал) ва миннал кулпатирттал чІарав бацІаву, кумаг баву, мукунма госпитальлаштал дахІаву даву. Му бакъассагу вайннал ххал бивгъунни Сибирнаву ялапар хъанахъисса ва дуклакисса Дагъусттаннал жагъилтал жяматийсса, патриот ва культуралул проектирдавул КІункІу баврил масъала. Ихтилат хъунни ялун нанисса никираву жула халкъуннацІа кыматраймур: яхІ-къирият, ас-намус тарбия шаву мурадрай цачІу дуланмуния. Гъаз бунни Красноярскаллал крайрай Дагъусттаннал инвестициялул ва туризмалул потенциал хъит учин баврил, цачІу культуралул мероприятиртту даврил масъалартту.

— Регионнайсса жула вакилтурашал лажин лажиндарайн шябивкІун бувсса ихтилатрайну ччяни шаллу буллан буюхълахъиссар республикалул бакІчи Федор Щукиннул тапшур бувсса масъалартту, ххишалану мюнпат буну ишла буллан хъанахъиссар КІантту-КІанттурдайсса дагъусттаннал общинардал потенциал, — увкунни Руслан Нагиевлул.

Хъунабакъаврий КІивагу чул рязину икърал дунни информациялул чулухасса хІалашиву ччялиш дуккан дан ва нанисса шинал цаппара цачІусса проекту дузрай дуккан дан.

Лажин хІадур дурссар
Анриана АБДУЛЛАЕВАЛ

Дагъусттаннал Халкъуннал цашиврул къинилун хасну

«На ивкІлай ивкІссара ТтурчІайнна-Зунттуй»

ЮСУП ХАППАЛАЕВ

Хан-Муртазаъли

Чагъарду бувкІуна
Мюрши шархъавун,
Ххаллилсса вирттаврахъ
Аьрайн букки тІий,
Буттал улкулл душман
Ххит уван ччими
Ссугърашиял чулий
Сакин хьира тІий.
Даккавуртту дурну
Мюрши шархъаву,
Машвара шавшуна
Ми ккураннав.
Миккун бавтІириннал
Хьардугу бувна,
Зунттурду, лухччи, ссав
Бара хьун дурну:

Ххаллилсса вирттаврал
Ярагъ бавкІуна.
БурхІулттайх
Мах шаршсса
ХІурнив ларххуна,
Такъирду мюртгая
БакІрай дирхъуна.
ЛухІи муххал гузри
КІунттил бувгъуна,
МицІ лахъисса ччаллу
АрхІал лавсуна,
Ккуртти-чІатІаракІру
Хьарайх дирчуна,
Буминнал бакъанан
Ярагъ буллауна,
ТачІав къаивмагу,
Талан авчуна.

БакІъялавай битай
Жазаиллашлал,
БакІлавай битайсса
Гумпарардашлал,
КІирагу чул дайлсса
Ххаржантирдашлал,
Барз кунна, ккуртга диркІ
Чаннан турдашлал,
Зумур ккухІлахІисса
Бидаврттай бурттий
Бувккуна бурттигъалт
Аьнди варсашлал,
Суккугу хьуна гай
Мюрши шархъава
Ссугърашиял чулийн,
МуртазааьличІан.

Миккун батІлай бия
Лакрал оьрчІ-вирттал:
Миккун батІлай бия
Ахъуши, даргал,
Миккун батІлай бия
Арияхъ, хайдакъ,
ЦацІун хъанай бия
Ахтти ва курал,
Мюрш шарацив ратІай
Нех шайсса кунма,
Чявхъалул мугъалтту
Хьун байсса кунма,
Душманнайнсса сситтул
Гьузи лавхъуна
Дагъусттаннал вирттал
Ссугърахъ ва Ххунзахъ.

Къажар шагъ пахрурдай
Гьалгъа тІий уна,
Ссугърашиял ратІай
Вирттал ца хьуна.
Бава дирчІивуй вил,
Хан-Муртазаълий,
Ихтилат бувуна.
ЦІу личлачисса.
Ганал ихтилатрах
ВичІи дирхъуна
Зунттал ва дарардал,
Къаннал ва вацІрал...

«Вирттал, жува буру
Талан, ца хьуну,
Душманная къисас
Ласун мякьиллну.
ХІакьину майданнив
Ккаккан дувара
Буттахъал чувшиву
Жувра душиву...

Цаппара хІал хьуну,
Ца манзил хьувкун,
Ххурххулл ларсуна
Зунттал дарарду:
ПІякъа тІун бивкІуна
Ттупал ккулларду,
НякІ ссавгу лухччигу
Аьраххан дурну.
Га буран бакъая,
Занчру бичайсса,
Я га къув бакъая,
Гъаран тІутІисса.
Гай бия вирттаврал
Бивтсса ккулларду,
Душманнал дастардайх
Бурса бакьинну!

Дяъви байбивхъуна
Зунзулчаннашлал,
Агъзиятрал цІарал,
Ссирссилтту ччучлай.
Тур хІала даркъуна
КІюрххилссаннушал,
Оьру чал ликкурттайн
Оь лахъан буллау.
Бивгъуну дирчуна
Ца чинар къюкъа,
Ялув ссавният
Паранну кунна.
Ххурхху тІун диркІуна
Оьттухсса лухччи,
Ми вирттаврал дучрал
Никъашун бувкун.

Мув къюкъулл цинявннал
Янна ца дия,
Мув къюкъулл цинявннал
Ярагъ ца бия,
Мув къюкъулл цинявннал
Дучри ца бия,
Къюкъулл бакІчинал чу
Оьрусса бия.

Ца ттупанг бивтуна
Миянна-Сунув,
Тур хІала даркъуна
Миянна-Къурув,
Вил бава дирчІивуй,
Хан-Муртазаълий,
Къакъунтрал дянив
Къарчигъай ххива!..

БакІ цІавцІлан ивкІуна
Та къажарнал шагъ,
Буванмур къаляхълай,
Авлиа хьуну.
Лергъ тІунгу ивкІуна
Та шагътурал шагъ,
КІунттиву бувгъуну
БакІрай мусил таж.

Дад буллан ивкІуна
Хан-Муртазаълихъ,
Гъан бити тІий цалла
Буттал аьршарайн,
ТІайла букки тІий цив
Та Хурасаннайн:

«Агъ, аман, дад-бидад,
Хан-Муртазаълий!
Вин муси ччарчангу,
Муси дулунну,
Так жу итабакъи
Жулла аьршарайн!»


«Зу дуллусса муси
Муси шайссарив,
Муси дучІан данна

Турлил зуманив!
На зу биян банна
Зулла аьршарайн,
Махъа чухъри дугълай,
Бяних тур ришлай!»

«Агъ, аман, дад-бидад,
Хан-Муртазаълий!
Вин арцу ччарчангу,
Арцу дулунну,
Ина жу тІайла ба
Та Хурасаннайн!»

«Зу дуллусса арцу
Арцу шайссарив,
Арцу дучІан данна
Ттупанграл бартнийн!
На зу тІайла банна
Та Хурасаннайн,
Хъазамрайн аьш ларсун,
ДакІницІун битлай!»

«Агъ, аман, дад-бидад,
Хан-Муртазаълий!
Вин ясир ччарчангу,
Ясир булунну,
Так жун ххуллу тІитІа
Та Хурасаннайн!»

МАХІАММАД-
ЗАГЪИД АМИНОВ

На ивкІлай ивкІссара
ТтурчІайнна-Зунттуй,
ТтиликІрахух парснал
ххаржан даркъуну,
Ххирххи тІий ивкІссара
лухІисса урттуй,
Оьттул ттурулливгу
иттах даркъуну.

Ттул ялун левкъуссар
цимигу къала,
Цимилгу къаст дурссар,
рухІ дуна, уччин:

Амманаз дурссар ттулакъаркъала,
ЦІунилгу душманнал
иттав пув учин.

Ттул оьттул пар буссар
кІюрххилсса хъхъемай,
Ххяллу зй тІий дуссар
ттул турлил зйлий.
Мияжансса бакъарив,
ПартІу ПатІимай?
Бакъарив, ттул уссу
Муртазааълий!

Ай, нагу бувссарча
зулмулий зулму!
Мунихлу Ссивирлий
увтссара аьян.
Амма – ци барчагу –
абадсса оьрму
Шайссарив шишачІав
микІлачІун буван!

Циванни мяш хъанан
ссавруннай барзуй,
Ссавруннан цикІулссар
илданул дардру?
На аьшун ивзссара
ЦІахъардал дазуй,
Гъаз буллау уну тІий
инсаннал къадру.

Ахиргу пар кунни
бюхттулсса чани
Азарда шин хьусса
ттул жигдатІурдай,
Ахиргу бувккунни ттул
улча-жами
Караматсса чІумул
бургъил дазурдайн.

Ци гуж бухъурчагу ттушал
бьаст-ччаллий,
ХІасул хьунни ттуву
пикри кутаксса:
Ттун бивкІу бакъассар
ва дунияллий,
Лакрал яхІ ва намус
сагъну буссаксса!

Дагъусттан

Интту вил хъацІ-бакІай
хъахъа чай тІутІив
МукъцІалла журасса.
Интту вил шарашал
бишай гюнгутІив



Дагъусттаннал Халкъуннал цашиврул къинилун хасну

«На ивкІлай ивкІссара ТтурчІайнна-ЗунттуЙ»



Тул вин ссайгъатрансса
 дяввиул давла.
 Аманат вийн бидав,
 дакІнин ххирасса,
 Душманнал ччаннала
 на ххассал увсса
 Ми арцул каруннах
 тимар булува,
 Бизар хьун мабара,
 на акъар куну.
 Тул чай дишай кІили,
 канил бугъай мархъ

Аманат, ххазинай,
 ххиттул кьабакын.
– МааѳтІрала, тІутИий,
 ттул жандалучІа,
Тархъаншиврул ялув
 пида шавричІа.
Вин на ххира хьурча
 аманат ттул вийн
ЦІарал пар-пар тІисса
 ятІулсса байрахъ!

АБАКАР МУДУНОВ

ХІалал ити

Дяъвилий ккуллалул
Нажагь утарча,



МуькъІалва журасса.
Вил мюршди цархъаву
МуькъІалва лугъатрай –
Агъ, вил ххаллилшиву,
Щалагу аьршарай!

Муқыпала уссил ватан,
Муқыпала уссил балай,
Гъай-жан, бюхттул Дагъусттан,
Муқыпала уссил къалай!

Паргалсса шувкӀуллал
пагъламан лахъай
МукъӀала журалий,
Лазгири душнилгу
бартбису шашай
МукъӀала журалий.
Къумукъ-хъузалалгу
ччатӀ ххяххан бувай
МукъӀалва авлахърай.
Агъ, вил ххаллишвиу,
ттул буттал улчай,
Щалагу аьршарай!

Муқъддас устил ватан,
Муқъддас устил балай,
Гъай-жан, буюттул Дагъусттан,
Муқъддас устил къалай!

Байни, жу дустуран
хўрматгу байссар
Муқъйалва журасса.
Иш бағни, душманнан
балагу байссар
Муқъйалва журасса.
Муқъйалва цукугу
буссар ссавруннай,
Жул савлугъран лахлай –
Агъ, вил ххалилшиву,
ттул буттал улчай,
Щалагу аёршарай!

МуқъИала уссил ватан,
МуқъИалва уссил балай,
Гъай-жан, бюхттул Дагъусттан,
МуқъИала уссил къалай!



**ИБРАГЪИМ-ХАЛИЛ
КЪУРБАНАБЛИЕВ**

**«МакІ ва
кІхь» тІсса
поэмалувасса
парча**

Душманнал ккуллардал шаву
дирунни,
Оьттул бувцѹ ттул чурх шанийх
бивхьунни,
Бурган бувкІун, Лайла чІарав
бавцІунни,
Ттул бакІрайх ка дуклай, аьтІун
бивкІунни...
– МааьтІрала, тІутІий, ттул
жандалучІа,
Тархъаншиврул ялув пида
шавричІа.
Ттул оьттул бувцІусса ярагъ ва
янна –

Так ца вийн овьтИйра
 На ивчІантІисса.
 Агар ссхІ дуккансса
 ХІал бухлагарча,
 Ина дакІнийнара
 Жан дуллантІисса.
 КІулли аьтІуншиву,
 ЩябивкІун ясрай,
 Муькьал шюшинсса ххай
 ДакІнил дардисан.
 АьматІра, аьматІра,
 Ххирай, аьматІра,
 Вил муькьал кІилчингү

На ивчІанссара.

Хъамакъаитарча,

Түл вийн аманат:

Ябилүти зунттах

Лагабургъищал.

Кіиккур ттул оьрчІшиву

ТіуркІу тІий ларгсса,

КІа чІумалла ина

Ччан хьуну бивкІсса.

АьматІра, аьматІра,

Ххирай, аьматІра,

Вил мукьал кІилчингу

На ивчІанссара.

**МИРЗА
МАХІАНМАДОВ**

Ккуллалул
цІалцІи

Ца ттуплил ккуллалул
 цЦалцЦив шунуя
 Жуйнна кІиннайннагу
 шавурду дирсса:
 Ина аьршараву кІучІ
 ан багьуна,

На аьрцарал ялув
сагъну ливчIура.
Ина жандалучIа бувна аманат:
«Лажиннича, уссу, буси
ттул ниттихь...»
Багъишлагу ити, хьура хианат:
Цукун буса̀ви на вияту
НИТТИХЬ...

Хъунаавкъуссияв на
вил ниттищал,
КӀюрххил ттурлу куна
някӀ муруллушал.
Хъазам буллуссия хъямала
дагъан,
Гара вийнгу шусса
ттуплил цӀаллӀушал.

Ина аьршараву ура рахІатну,
Туплил цІалцІигу
 дур сукку кяхъанай.
На занайна ура аьршарал
 ялтту,
Туплил цІалцІигу
 дур оьгтывух занай,
Зунттуха баргь бувккун,
 зунттухун лаглай,
Хьхьу ва кыни дукІлай,
 шинну дур хъанай,
Мюрши хъуни хъанай,
 хъуними литІлай,
Аьршарай оьрму бур
 цила низамрай.

Гъарзадращал архІал
ттуплил цІалцІигу
Занай дур чурххавух,
ччамарду буллай,
Дахъра зунттул бакІрайн
ттурлу шунигу,
Ина дакІнин утлай,
къюкІлийн дур къутІлай.

КъутГлатІувча даКІнийн
баргъ бивтунигу,
Къадуққара на му къюву
рахІат дан.
Вил дарІусса къюкІлин
дан къашай къюву
Ганил дуллалувча
кІилинну ттүву.

Вил ярур увкуну,
 аьршарах мякъсса,
 Вил чувшивур куну,
 аьршарай дурсса,
 Вил ччавур увкуну,
 Батадалухсса,
 Чурххаву дикIувча
 ва къюву гужсса

Суратру В. ЛОГАЧЕВЛУЛ
Лажин хладур дурссар
Р. БАШАЕВЛУЛ



Расуллул арс Рамазанов Карин увну ур 2016 шинал декабрьданул 18-нний цIанихсса шаэртурал миналий – Хъусрашиял шяраву. Дуклай ур 4-мур клас-сраву. Кариннун ххирап тIабиаьт, спорт. ХIакъсса зунттал оьрчIал куннасса дур ванал оьрчIшивугу: дарсирдая махъ ичIаллил давурттан кумаг буллай, ятту-гъаттараха хIурмат буллай, хIаллил чIумал ххулув батIлай, оьрчIал даймур дуллай.

Кариннул кIиягу ниттиуссу СВО байбивхъуния шинмай Ватандалул мурадру бурчлай бур, мунияту чIава зунтталчу лях-карах дакI къума дуллан икIайсса ур, ниттиуссурваврах ххуцI увкукун. ЧIава шаэрнал яла хъунмур мурадлив хъуниминнал кунмасса бур: СВО-гу къуртал хъуну, ххувшавугу ларсун, ниттиуссурвал шаппай ччяни зана хъуния тIисса.

Мабулларду дяъвирду

Ххарисса оьрчIал чIурдал
Чанна дувай дуниял,
ЦIан лаган мадулларду,
Дяъвилул цIурду дичлай.

Украиннал аьршарай
Лакрал вирттал бур талай,
Ватандалул дазурду
Душманная дуручлай.

Ххувшаврил ттугъну дуссар
Миллатирттал дусшиву,
Яхъуншиврул абадлий
Дунияллий дакъаву...

МахIаммадлул душ МахIаммадова Аьзиза бувну бур 2011 шинал майрал 17-нний. Ва цуппа Къянал шяравасса бур, дуклай бур МахIачкъалалив 54-мур школалий.

Аьзизан ххирап ниттил мазрай назмурду чичлангу, суратру дихълангу, гулавати шашлангу, миллатрал дуки-ялийну хъамал хъамалу буллангу. Дарсирдава Аьзизан яла ххирамур дарс дур историялулмур. Билятрал тарих гъираарай лахълайгу бур.

Ва дакI дарицуну бур, вирттал ххувшавугу ларсун ччяни СВО-лия бучIантIишиврий. Ванил

ЧIава шаэртал



ссурахъу НурмахIаммад ХIажимахIаммадовлул, СВО-лул Аьрасатнал цалчинма Виричунал шагьидну жан дулуну дур Ватандалул мурадру буруччаврил ххулий. Дазу дакъа цинма ххирасса ниттирессу Сапижат Мазаевал къюву куртIну асар хъанай, Аьзизал дакIнива къявхъ куну бур уссияхсса назмурдугу.

Аьзизсса уссия

Чаннаннил дакI дусса
Аьзизсса уссай,
Аьрасат аьршарай
Жан дулун багъсса.
Лакрал тарихраву
ЦIа чирчу къучагъ
ТачIав дакIурдива
Къаукканссара.

Жагьилсса вилла жан
ХIайп къаувкуну,
Лавгуннахха ина
Къабивтун жугу.
Аьзизсса бавагу,
АгьитIи дурну,
Дахъва бувсса душгу
Ххира къабувну.

Мусил симандалул
Цалчинсса заллуй,
НахIусса мукъурттил
ДакI дассан дувуй.
Жул шалва тухумрал
Уттуссаннул ттарцI,
Вин бивкIу бакъассар,
ЦIагу абадссар!

Читтур ца бакIуй тIитIидаркъуну дур

Ссавнийсса цIурттигу ца-ца тIий лешлан бивкIунни, ссав цурдагу баргъ буккай чулуха кIяла лахлан диркIунни. Шива-тива ажарттал э-оь баллан бивкIунни. Нажагъ шяравату бизарсса ккаччил хIап баяйва, пахъ дагъсса хъхъунил хъазам ппив буллай. Дахърасса чаннал туранну дуккайху чантI увкуса чIелмуллул цивитI тIисса чIу шайва; ганицIун бакьин буллай ххюнкIлулгу ппенперитI учайва. Дуниял, парх куну, бургъих ялугълан дикIайва. КIана Дулттиял-лил, ЯтIубахъал бакIурдийн муси руртIуну, кIа хъюмуму-си, чан-чанну тIий, хъачIрая хъачIрайн дучIлай, гъарзад чанна лахъан дайва. Уртту-тIутIайсса хъхъемал кIунтIру, ляълужавгъарду кунма, тIинтту парххатIи дурну, зурзулувух мархрачIан лагайва. Бургъил тяхъа буккан бувсса балайлул гъарца рухI думургу, дакъамургу къавтIи дайва. Ттюнгъасса мурчал хIахI, дахъра ялун лирчусса лачIал мяралийх кахгу куну, ххалазаннайн, рахIавун тIутIашал тIуркIу тIун лагайва. Вана укун жул шяраваллил хъхъичIсса дара, къанну-бакIурду чаннал буцIайва,



ятту-гъаттара лухччайх ппив шайва, агьлу цалла даврихун багъайва.

Жул чIири шяравалу Читтур ца бакIуй тIитIидаркъуну дур. Мунивусса къатри кунницIун кув лавчIун бур, оьрмулукун жува цару тIий, аьрши диял хъанай дакъа-хъунссия. Майжаннугу, жул лухччив, циняв лакрал кунна, чансса ссуссукуьсса дур. Цукуннугу, шяравалу чаннасса, гъавалул дурцIусса кIанай дур: шичча чIяруми лакрал шархъурду, цаппара Ккуллал райондалулмигу чIалан дикIай. Жул хъхъичI, бакIуйх ларай уттудирхъуну, КIулушацIрал шяравалу дур, кияхунай урувгни – Оьллаар, ТIулизунна ар, ГъувкIурдал, ТIулизуннал шяраваллурду, кIихунмай, зунттул лув къарчI бивкIун – Хъуннаши, нех лархъун, къанийх тюту бувну Шардал, Хъурхърал шяраваллу, кIихунмай, чул ккаккан буллай, ТIаннул ЦIувкIул, шихунмай хъачIраха – Къян, Хъювхъи, Къукун. Чансса бакI чулиннай дурган дарча, ВацIиллуха чIалантIиссар Лахъир, кIихунмай – Шушми, Вихъул, ВацIиллул хъхъичI – Хъур, ХъурукIул, кияхунмай – ВицIхъиял махIла, къинттуллух – хъачIрай дирхъусса Урдал шяравалу, кIихунмай – Ххут, КIамахъал, урчIахунай урувгний – сунув уттудирхъусса – КIувурдал шяравалу, бакI гъаз дарча – ДучIими, кIихунмай ЛухIуваллил зунтурду. Мукунсса дур ттул шяравасса лагма-ялттуса чIалачIин.

Ва шяраву лавгун бур ттул оьрчIнийсса ва жагьилшиврувун увхсса оьрму... Шяравалу чIирисса дунугу, шиву яхъанахъисса агьлу шанма-мукъва тухумрайх хIисав хъанай бия. Ттул хIисаврай, тухумирттайх бачIаву оьрмулул тIалавшиннарал дакъаяча, укунна ялттурасса дия. Циняв тухумирдаву куннал кув оьтту хIала бакъасса бакъая. Дула-дуцаврилгу риршусса дазу дакъая. Мукунсса тухумирттайн къяртри учай. Жулмур къяртта гъарта-гъарзасса дия: Камалхъал къяртта Читтурав дия, ЦIаххуйхъал – КIуврав, Къарнайхъал – Гъушав, Бава-Сулайманхъалмур – Читтурав. Ттул буттал ппу Камаллуя дайдирухъусса къяртта дия: мунал шамагу арсная МахIаммадлуя, Ажулуя, Рамазаннуя дирсса никру чIяруя. Ттул буттал нину КIувратусса ЦIаххуйхъаясса дия, ниттил нину Мариян Гъушату Къарнайхъая дия. Ттул нину ХIурия Бава-Сулайманхъаясса дия, ми авадансса ятти-гъаттарал зал-лухъру бивкIун бия. Ниттил ппу Рамазан шяраваллил юз-башину ивкIун ия. Жул мацча-гъанми ЧIурттахъ, Ххюлусмав, Шахъувавугу бивкIун бур. На чIивини ми жуцIан хъамалу бучIайва, бивкIу-буккулийгу цацIу бацIайва.

ХIасан КАМАЛОВ,
Дагъусттаннал лайкъ хъусса
учитель
«ЧимучIали» хIадур бувссар
ПатIимат РАМАЗАНОВАЛ



Аьпалул махъ

Лакрал тарихравун дакъас-сагу, Аьрасатнал тарихравун-гума дагъсса ГьунчIукъатIрал шяраваллин хъуннасса къурчIишиврул хавар бавунни. Ахиратрал хъунни ххаллисса лакрал арс, хъунмасса хIурматрай чIярусса шиннардий Дагъусттаннал хъхирил портрал хъунаману ивкIсса, СССР-данул хъхирил флотрал отличник, жуна цинявннан ххирасса, адаврал ва инсапрал увчусса, чаннасса дакIнил ва камилсса пикрилул заллу МахIаммадлул арс ХIажибутта ХIусайнов.

ХIажибутта дувайсса давриву марцIсса, жямат ххуй буллалисса, лакку билаятрал тарихрая пахрулийсса, дугъришиврул увчусса, дусшиврул кьимат лахъну бищайсса адамина ия.

ХIажибуттал махъсса шиннардил мутталай хъинну хъунисса, яргсса давуртту дурссар ГьунчIукъатIрал жямат цачIун бавриву, миччасса ххаллисса арсурваврал хас дурсса ххуй-ххуйсса давуртту давриву.

ХIажибутта ахиратрал шаву хъуннасса, хъамакъаритайсса къурчIишивуну хъанай дур жунна, мунал дустуран, лакран.

Ва къурчIишиву кIидачIлайгу буру мунал уздансса кулпатрахъ, ГьунчIукъатIрал шалагу жяматрахъ, Лакку билаят ххираминнахъ.

Укунсса арсурвавралли жула миллатрал тарих хъун буллалисса, даража лахъ буллалисса, сийлувун бутлатисса. Ванал чаннасса симангу, дурсса ххаллисса давурттугу дакIния къадуккантIиссар цинявппагу ванал хIурмат буминнан.

**Дустурал цанияту
Шалласу ШАЛЛАСУЕВ**

ИчIаллил лелуххантрансса закон

Вай махъсса ца-кIира нюз-мардул дянив интернетраву, куннал кунначIангу гъан дулла, ххи хъунни сентябрьданул 1-нний тиннай зунтIисса, ичIаллил аьнакIацIунсса цIусса закондалул ялувсса хъярч-махсаралийсса видеорду, суратру. Хъярчираймур цирив, бунияламур цирив, ичIаллил аьнакIив мыйжаннугу учетрай бишин аьркинсарив? Вай суаллахъхъунсса жавабру дул-лунни Дагъусттан Республикалул шяраваллил хозяйствалул ва продовольствиялул министрнал хъиривчув Шарип Шариповлул.

– Аьрасатнал Федерациялул ХIукуматрал 2023-ку шинал 5-мур апрельданий бувсса №550 Постановлениялийн бувну ккаккан бувну буссар маркирование ва учет дуван аьркинсса ризкьи, ва Постановлениялийн бувну ва шинал 1-мур сентябрьданийн дияннинсса чIун ккаккан дурсса ичIаллил лелуххантрал учет дуван. КIилчинмур документ – Аьрасатнал Шяраваллил хозяйствалул 2023-ку шинал ноябрьданул 3-нний буккан бувсса приказ, цийн бувнугу цIакъ дурсса ризкьилул маркированиялул ва учетрал ветеринар къядартту. Сентябрьданул

1-ннийнин ЛПХ-луву (личное подсобное хозяйство) аьнакIал 10-ннийр ххишаласса бакIру буминнан аьркинссия вай, маркироватьгу бувну, учетрай бишин. Агана аьнакIив 10 ва ванияр чансса бухъурчан, вай учетрайн ласаврил чIун махънин дутлатиссар – 2029-ку шинал 1-мур сентябрьданийннин. Ихтилат так цавай аьнакIая бакъар, ичIаллил аьнакIив тIисса калималувун багълагьиссар къазругу, урдакругу, индейкардугу, ххюнкIригу, цесаркардугу, варани-чIелмултгу.

– **Ва закондалул мяьна-мурад цир?**

– ХъхьичIва-хъхьичI – ветеринар мюхчаншиву ва ккалсияхIрал ялув бацIаву. Агана ци-дунугу ца цIуцIаву сукку хъурчан, ветеринар къуллугъран кIулну бикIан аьркинссар ми лелуххант чув буссарив, шил буссарив, циксса буссарив, инфекция гихуннайгу ппив къахъананшиврул, ци дуван аьркинссарив.

– **ИчIаллил лелуххант цукунни учетрайн ласайсса?**

– Ва даву ветеринар пишакарнал лелуххант ябуллалисса кIанайн увкIун дувайссар. ИчIаллил лелуххантран дуссар

«групповое маркирование», яни гъарца аьнакIи цуппа-цуппалу маркировать къабуллай, ца кIанай ябуллалисса ичIаллил лелуххантрацIун цIакъ бувайссар ца идентификациялул номер. Му чивчусса ула цIакъ дувайссар вай ябуллалисса кIанай.

– **Ва закондалул тIалав буллалимур биттур булла, ичIаллил аьнакIив ябуллалиминнан цир дуван аьркинсса?**

– ИчIаллил аьнакIал залхъруннан буккан аьркинссар аьнакIив ябуллалисса кIанайсса ветеринар станциялийн. Шиккусса пишакарнал, чара бакъа аьркинмургу шаллу дурну, ичIаллил лелуххантрайсса информация ласунтIиссар «Хорриот» федерал системалийн.

– **АьнакIал регистра-ция дурну махъ ми, ххи-чан хъуну, миннул ккал даххана хъурчан?**

– Хъусса дахханашивурттая, ичIаллил лелуххант ххи-чан шаврия баян буван аьркинссар ветеринар пишакарнайн.

– **ИчIаллил лелуххант**

учетрай къабиширчан, цир хъунтIисса?

– Ветеринар правиларду къадурччуминнай дуссар административ жаваблывшина. Хасъсса статьялийн бувну, укунмасса инсантурай дуссар 500 къурушрая 1000 къурушрайн дияннинсса аьчIа, ИП думиннай – 3 000 къурушрая 5 000 къурушрайн дияннинсса, юридический сакиншиннардай – 10 000 къурушрая 20 000 къурушрайн дияннинсса. Мукунна ИП-рдансса ва организациярттансса танмихI хIисаврай, вайннал даву 60 суткалийсса дацIан дуван бюхъайссар.

– **Ахирданийгу, ци учинна аьнакIал залхъуру паракъат буван ягу, ялунмагу анавар буккан буван?**

– Шикку ташвиш буклансса цичIав бакъассар, хаснува ичIува 5-10 аьнакIи буминнан. Вайннуяр ххишаласса ичIаллил лелуххант буминнан цивппа ялапар хъанахъисса, лелуххант ябуллалисса кIанайсса ветеринар къуллугърайн биян аьркинссар.

– **Р.С. Вай чичрурду кказитрай дукканнин, цIусса закондалу-ву цаппарасса дахханашивуртту дувансса сипталушал бувккунни Аьрасатнал Федерациялул ПаччахIлугърал Дума.**

Бадрижамал АБЛИЕВА

Лакрал райондалия

Машинартту къабацIаншиврул



Августрал 30-нний, кIюр-ххицIун, МахIачкъалалия Гьумукунсса, «Мамраш – Ташкапур – Араканский мост» автотрассалул 161+ километралийсса, Шахъуйннал шяраваллил хъхьичIсса ххулийн

зунттул хъачI леркъун, аьраххулу бавшуну буссия.

Ва иширал ялув жул хъун бакъасса ихтилат хъунни «РСО» АО-рал «Лакралмур» филиалданул инженер Бахттияр Бариевлушал:

– Гужсса гъарал сававну лахIуни рурцун, Лакрал ва Ккуллал районну лирчIун дуссия ххулу бакъа. Аьраххулийн левкъсса зунттуясса хъунисса чартту, къунтту, аьрши гилуннай, Шахъуйннал шяравун нанимур ххулийнгу леркъун, ва шяравалулу ттигу-шилагу дур машиналий гъан, бучIан къахъанай. «Дагестанавтодорданул» анаварну къамул бувсса хIукмулийн бувну, шиккун бивчуссия ххулул хасъсса техникалул 6 единица (2 экскаватор, 2 погрузчик, 2 самосвал). Му къинива тIивтIуссия ГьунчIукъатIрал ва БахIикIуллал шяраваллал диянхсса лухччайх бивхъусса, чарабакъул ишла бувансса, республикалул агъамшиву думур трассалийн буккансса ххулу.

Августрал 31-нний шинмай тIивтIуссар агъаммур ххулулу, амма, цалсса, чIумуйсса схемалий (суратрай).

ЦIанасса чIумал марцI буллай булувкъуну буссар ва кIанайсса аьраххулу ва ванил лултту тихунмайсса Шахъуйннал шяравунмур ххулу. Ттигу гъантри хъунссар ххулу жува аьдатсса режимрай тIитIиннин. Цалсса, тавакьюри агъалинахъ, чара бакъашиву дакъа, ххулийн къабуккаву. БахIикIлахчIинсса ххулулу гъавалул тагъар ххуйсса чIумал буккан шайсса бухъурчангу, гъарал ларчIни ччех бикIлакIисса, машинартту къяркъаравун къутIлатIисса, нигъачIисса ххулулу.

Бадрижамал АБЛИЕВА

БувчIавурттайн хIадур хъанай бур

Сентябрьданул 7-нний сжу хъунабавкъуру Лакрал райондалул территориялул бувчIавурттал комиссиялул председатель Илияс ХIажиевлушал. Ванал бувсунни райондалий АьФ-лул Госдумалувунсса ва ДР-лул Халкъуннал Мажлисравунсса депутатътурал бувчIавурттайн хIадур шаврил хIакъираву.

Ванал бусаврийну, цIанасса ппурттуву Лакрал райондалул территориялул бувчIавурттал округрай най дусса дур бувчIавурттайн хIадур шав-

рин хасъсса давуртту.

Лакрал райондалий дур 24 бувчIавурттал участок: 20-райондалий, 4 – къутаннай. Циняв бувчIавурттал участокирттай бур ххюра шинайн бувчIусса ххю-ххюя комиссиялул член. Ми циняв цIанай зий бур цала-цала участокирттай. УИК-рал информациялул 50 зузала(обходчик) инсантурал къатравух занай, буслай бивкIссар бувчIавурттая, кIул бувссар партиярттал вакилтурашал, миннахъ бивкIссар бувчIавурттал хIакъиравусса,

кандидатътурал суратиртташалсса буклетру.

БувчIавуртту дайдишин шанма гъантта ливчIисса чIумал, гъарца участокрайн ларсун бучIантIиссар наблюдательтурал сияхIру гъарца партиялул чулуха. Ми ялув бацIантIиссар бувчIавурттал чIумал участокрай закондалуцIун къадаркъусса тIуллу къадулланшиврул.

Бивру жу мукунма Ккуллал райондалийнгу. Ваччав жу ихтилат бувурду бувчIавурттал территориялул комиссиялул

председатель МахIаммада АхIмадовлушал.

Ванал тIимунийну, райондалий дур 14 бувчIавурттал участок. БувчIавурттайн аьркинсса цимурцаннул дузалну бур, ток лешарча, генераторду хIадурну бур. Наблюдательтал хIадур буллай бур жяматийсса палаталул ва партиярттал, шанма гъантлул хъхьичI ми бучIан тIий бур участокирттайн. БувчIавурттавах гьуртту хъунтIий бур мукунма волонтерталгу.

Вай гъантрай зий бивкIссар УИК-рал информациялул зузалт (обходчиктал), миннал, циняв къатравух занай, буслай

бивкIссар депутатъшиврийнсса кандидатътурай, чIурду булаврил жуардая, чIурду булуминнайх бачIлай бивкIссар бувчIавурттая бусласисса буклетру. ЧIурду буллалиминнал сияхIру дучIан тIий дур вай гъантрай. Комиссиялул члентал цала-цала кIанттурдай зий бур.

БувчIавурттал участокирттай дузал дурну дур видеонаблюдение, онлайн трансляция дикIан тIий дур ТИК-рал бувчIавурттал участокиртташал.

Гъаннайсса, Лакрал ва Ккуллал районну хIадурну дур бувчIавурттайн.

ХI.АБДИЛОВ

Лакрал халкъуннал учаларттава

Душмантал чIавуртIий, хIуI маучара.

Душман зIавнугу, личIулну икIу.

Дурмуниха лархъхъусса цIагу дикIайссар.

ИчIува чIапунгу, къурув мухIирангу бакъасса.

ИчIува – хан, къатIув – хали.

ИвчIаврия нигъа усларчан, ххув къахъунтIиссара.

Итталу акъуйгу къини дацIайссар.

Ини бунал зузалай, хIан дунал хъамаличу.

Инсантуравун ттур дутайсса оьсса чувнал мазралли.

Канил дугъарчан, ка чучлай, эькируттарчан, дакI чучлай.

Ккарччив – ккаччил, бурчу – бурчIал. Ччимур хъурча.

Куц – барзул, аькълу – ххюнклул.

Къатта бавцуну махъ къункъула дихълай ур.

Ккаччилгу сивсунайн хIап, нигъаусуйн хъап учайссар.

Ккаччил дусри ттархъ махъ дума.

КъатIуца мурхъ бахълаган бан къаиайссар.

КъатIухминнан малаик, шаппаминнал забани.

КIуллун ччитугу аждагъари.


ЛухIи хъатIуя къиргъу къаиайссар.

Мурлу багъувкун къабивзсса ххит, яла къабизайссар.



«Илчи» – маслихIатчи

Къавун (дыня) ва муниясса мюнпат



Ми букан бучIину бур цIумулл къашавайминнан, психикалул цIуцIавуртту думиннан (депрессияртту), туберкулез, ревматизм, цинга, подагра ва бIавкъу-гъили шаврил азарду думиннан, хъугъу тIутIиминнан. Къавундалул сок-рал кумаг бувайссар хъун ххютту кIукIлу лаган дуван, дачIра дуван (запор), часма (геморрой) думиннан.

Къавундалул кIирисса чIумал мякъ лиххан бувайссар, паракъат дувайссар нервардал система. Дие-тологтурал, пагъриз ккаккан дулай, къавун букан бучIи байсса бур оь чанминнан, къюкIлил ва туннурдал азар думиннан, атеросклероз думиннан, ччаруллал ва ттиликIрал азарду думиннан.

Хъинну бивсса бакъахъурча, къавун бучIи буллай бакъар цIумулл язва дусса, острый гастрит дусса къашайшалтран. Къавун дачIра ххюттуйнгу букан бучIи буллай бакъар, дукра дуркуну махъ лях-лях бучIисса бур букан.

билаятирттай ва яла нахIумур, яла дарувмур ахъулссаннун ккалли дайсса дур.

ХъхъичIвагу, уттигу уртту-щинай хъин бувайминнал цалла дарурттал сияхIрай мудангу къавун ва мунил хъуварду бусса бур.

Жагъилсса хозыйкансса маслихIатру

Нисвартилул ялун, цIил щинаву бишин хъхъичI, щара-щисса щин дугIирча, цIил хъуну махъгу яргну щюллисса ранг личIайссар.

Нисварти бусса цIил щина-вун чансса горчица дичирча, нисварти тIаансса шайссар, лахъисса чIумуй зиягу къашай-ссар.

Накъ (дукра) шахъан ца 10 минутI лирчIсса чIумалли кIункIурдуйн цIусса помидор дичайсса.

ТIиртIусса банкалу-в-сса томатрал ялтту мяххи къадакъинтIиссар, томатрал ялтту чансса цIугу бивчуну,

кIюласса къат ххяххиялул аьгъу-шиврулгу дутIирча.

Бивсса къалпузрал ккири цIай-цIай тIисса бикIайссар.

Цаппара кIунтIру лимонда-лул сокрал аьркинну бухъурча, лимондалийн ганзсса ххалаххи къувтIуну, зунна аьркинссаксса сок дуккан дувара (лимон къу-къин аьркиншиву дакъассар).

Лимондалува чIярусса сок дукканшиврул, га ца-кIира минутIрайсса кIирисса щинаву дишин аьркинссар.

ДачIра ххюттуйн чан-чанну ххув тIий хIарчIсса ахъулсан-нул сок ягу томатрал сок хъин-

ссар дукра лялиян дан – хъуни-миннангу, обрчIангу.

Ппиринж шюшин аьркин-ссар дяркъусса щинал жартли-лу, нукIура щин дуртIуну къа-бивтсса ппиринжрал тIин зия шайссар.

Ппиринж шавхъун хъинссар куртIсса, ганзсса чугундалуву.

Ппиринж кIяласса хъуну ччарча, гай шахълахъисса щина-навун дачIи лимондалул сок дутIин аьркинссар.

ХIадур бувссар
3. АБДУРАХIМАНОВАЛ



Газета «Илчи» (Вестник)

Учредитель:
Агентство информации и печати Республики Дагестан

Издатель:
ГБУ РД «Этномедиахолдинг «Дагестан»

Хъунама: МахIамаев А.М
Тел.: 65-00-25

Хъунаманалху редакторнахлу:
Башаев Р.М.
Жаваб дулайсса секретарь:
Исмаилова С.Р.

Редколлегия:
Адамов АбдурахIман
МахIамадович
Абдуллаев Сапарбаг Аьлиевич
Аьлиев ХIажи Сулайманович
Исрапилов Артур Анварович
Маммаев Сулайман Нурайтинович
МахIамадов Юсуп ХIамидович
Оьмаров Супиян Расулович
Илиясов Марат Сиражуттинович
Хасаева Гульшан Рамазановна
ХIажимирзаев Зиябуттин
Абусулиянович
ХIусайнаева Качар Абачараевна
Шайхалиев Астемир Икрамович
Шалласуев Шалласу Рамазанович
Эльдарова Роза ХIажиевна

Отделлал редактортал:
Абдуллаева А. П.
Аьдилов ХI. А.
Рамазанова П. ХI.
Тахакъаева З. К.
Корреспондентьтал:
АбдурахIманова З. Т.
Аьлиева Б. Д.
Саидова И. А.
Корректор:
АхIмадова А.И.
Ксизитрал дизайнертал:
Абакарова К. Н.
ХIажиева З. У.

Ксизитрай дурксса макъаларттаву кIицI лавгмур тIайлашиврул жаваб дулайссар чивчуманал.
Редакция макъалалул залуннал пикри-лий рязину бакъахъурчагу, макъала рищайссар, жяматрал цаламур пикри бусанссар тIисса ниятрай. Ксизитрайн дуркIсса макъаларттайн рецензия къа-чичайссар ва ми залуннахъхъун зана къадайссар.

Ксизит буккайссар ножмардий цал.
Шинай итабакъайссар 48 номер.

Ксизитрал индекс. П7046
Тираж – 1540 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail: ilchi@etnomediadag.ru
http://ilchi.info
Тел: 66-00-59



Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан.
Рег. ПИ № ТУ 05-00424
от 30.04.2019

Газета «Илчи» отпечатана в типографии ООО «Феникс-пресс».
Адрес: РД, Шамилский район, с. Хеб-да, ул. Сураката Асиятилова.
Срок подписания в печать 19.00.
Подписано 19.00.

Цена 10 руб.



4 651116 280051